

Lamentabel: E di 4 accidente fatal den trafico



- **RMR ta avansa ley HOFA**

Pagina 3

- **Dia Internacio-
nal di Hende
Muhe: Ainda tin
hopi pa haci na
Hulanda**

Pagina 9

- **Buskeda nobo
pa vuelo MH370
ta caba sin
pista na e
misterio di 12
año**

Pagina 22


Hulanda ta comprometi
cu defensa di e islanan, y
no tin plan comercial pa
Venezuela



Trump ta ofrece lidernan
Latino Americano atake
cu misil Mericano contra
cartelnan di droga



Iran tin un lider
supremo nobo



ARUBA

Aruba

★ EVERY TUESDAY & WEDNESDAY ★
EARN 50 POINTS = \$10 IN SLOT CREDIT

FREE
ENJOY AN "ARUBA Ariba" COCKTAIL

QUIZ
ANSWER = ADDITIONAL \$10 SLOT CREDIT



Scan & Win!

THE CASINO AT
ST REGIS
ARUBA

Eric van der Burg, Secretario di Estado pa Asuntonan di Reino: Palabracion ta palabracion **Hulanda ta comprometi cu defensa di e islanan, y no tin plan comercial pa Venezuela**



Hulanda no tin intencion pa inverti den Venezuela y tampoco ta sostene e guerra cu Iran. Asina Secretario di Estado nobo pa Asuntonan di Reino Eric van der Burg a bisa despues di su prome Consejo di Minister di Reino, como miembro di e gabinete Rob Jetten.

Van der Burg, di VVD, ta hopi familiar cu nos paisnan. E tabata den e comision Parlamentario di Tweede Kamer cu tabata trata Asuntonan di Reino, ademá di a sirbi tambe como Minister pa entre otro asuntonan di inmigracion. Durante su prome conferencia di Prensa como e Secretario di Estado nobo pa Asuntonan di Reino, el a enfatisa cu e gabinete nobo di Hulanda ta kere den Statuut cu ta reconoce cu Reino Hulandes ta consisti di cuater Pais, cu ta inclui e tres municipionan special cu ta cay bao Hulanda. “Ta p’esey mes tambe cu Minister President Jetten a bisa durante su prome conferencia di prensa como lider di e gabinete a enfatisa cu Reino Hulandes ta consisti di cuater pais.”

Den luz di tur e acontecimentonan internacional, Van der Burg ta enfatisa cu Hulanda ta tuma e defensa di e seis islanan den Caribe na serio ya cu segun Statuut ta un di su tareanan. “Hulanda Europeo ta responsabel pa seguridad di tur e paisnan. Nos sa cu tabatin hopi tension cerca di Cor-

sou, Boneiro y Aruba relaciona cu Venezuela y Hulanda ta para pa nan seguridad.” Van der Burg a bisa cu no solamente Hulanda ta percura cu tin militarnan y ekiponan presente, incluso bapor. Pero tambe ta mira posibilidad pa manda mas, “no solamente pa defensa di e islanan, pero tambe por ehempel pa logra un blokeo entre Colombia y Venezuela, den caso cu tin problemanan pa e islanan haya nan comustiblenan. Si ta trata di seguridad economico sinembargo, aki si tin un distincion. Pasobra aki si Hulanda ta responsabel pa economia di e tres municipionan, Boneiro, St. Eustatius y Saba, manera nos ta pa Amsterdam y Maastricht. E tres paisnan Corsou, St. Maarten y Aruba ta autonomo riba e tereno aki. Logico nos ta dispuesto pa traha hunto pa stimula economia, pero ta e gobiernonan di e tres paisnan ey ta finalmente responsabel.”

Mientras cu Hulanda pa awor no ta mira interes pa inversion economico na Venezuela, ta preparando si pa mas intercambio cu otro paisnan Sur Americano. Asina ta cla pa firma e Acuerdo Mercosur, pa mira pa fortifica comercio entre Hulanda y Sur America. “Pero nos tabata semper cauteloso direccion Venezuela, pasobra Hulanda no a reconoce e Gobierno di Nicolas Maduro. Nos ta mira e lider di oposicion como e Presidente electo. Awor ta di observa e desaroyo pero mi



no a mira señal, cu mi coleganan (Minister pa Asuntonan Economico y di Asuntonan Exterior) tin intencion pa haci algo cu Venezuela.” Van der Burg a enfatisa cu aki ta unda cu ta diferencia cu Merca, mescos cu ta e caso cu Iran, por ehempel.

Eric van der Burg no a bay mucho den detaye riba e pensamiento si Aruba mester desmantela su refineria of no, den luz di e cambionan desde cu Merca a invadi Venezuela. “E asunto di refineria ta un asunto di Aruba mes, su parlamento y pueblo. Hulanda di su banda, ta pendiente pa mira con e desaroyo entre Venezuela y Merca lo ta. Nos a kere cu na momento cu Mericanonan a secuestra Maduro, cu nan lo haci mucho mas na Venezuela. Finalmente nan no a haci mucho mas y a yega na palabrationnan cu e Presidente nobo. Riba e momento aki e ta muestra cu e situacion ta keda asina. Ta cuestion di tempo pa mira con tur cos ta cristalisa.” Van der Burg a agrega cu Merca ta mas activo na otro parti di mundo cu na Venezuela.

Rijkswet

Eric van der Burg por ta nobo como Secretario di Estado, pero e ta kere si cu e palabrationnan cu Aruba a haci cu Hulanda den cuadro di e supervision financiero ta keda

vigente. “Mi punto di salida ta cu acuerdo ta un acuerdo y ambos partido mester keda mara na dje. Claro por tin excepcion, pero esey mester palabra un biaha mas cu otro.” E acuerdo riba e ley di Reino di Supervision, sinembargo, tin beneficiacion enorme pa Aruba, Van der Burg ta muestra. “E ta yuda cu e capacidad di haya prestamo pa haci inversion na Aruba. Y mas importante, mester haci prestamo internacional pa refinancia e debe di Aruba. Pa esey lo ta miho pa tuma e ley, pasobra e ta nifica un reduccion enorme di e interes riba prestamo, di 6.9 pa 3.4 por ciento. Esey ta hopi placa. Claro e ta depende cua prestamo Aruba lo kier refinancia, pero e por nifica scapa entre 60 pa 100 miyon florin na interes. Ami ta haya esey hopi placa.” Van der Burg a bisa cu ta na Gobierno di Aruba pa discuti esaki cu Parlamento, pero e mes ta kere den e ley.

Manera ta conoci, fraccion di MEP a papia di e posibilidad

pa bolbe habri discusion riba e proposicion di e rijks wet cu Consejo di Minister di Reino a tuma. E ley awor ta na caminda pa Raad van State pa conseho y despues mester bay e Parlamentonan. Den principio, ya no tin sentido pa bolbe habri e discusion, segun Van der Burg. “Pero, no ta por nada ta manda e ley na Raad van State pa conseho. Mester tuma consehonan cu ta bin di Raad van State hopi na serio. Pues si bin consehonan pa trece cambio den e texto, nos lo mester scucha di Raad van State. Kizas no mester tuma tur e consehonan, pero si mester scucha nan.” En todo caso, e proposicion pa crea otro fondo di inversion basa riba e debe y aki si van der Burg a sera e porta firmemente.

E Secretario di Estado nobo, kende lo bishita Aruba na April, finalmente a bisa cu “mi tin hopi animo pa haci e trabao di mi portfolio”



FIND US ON

BONDIA
ARUBA

www.bondia.com

ALSO AVAILABLE ON

f @ d X

RMR ta avansa ley HOFA mientras debate tocante autonomia financiero di Aruba ta intensifica

Conseho di Minister di Reino (Rijksministerraad, RMR) diabierna a tuma otro stap pa establece un marco financiero nobo pa Aruba, aprobando un propuesta pa entrega e Ley di Reino di Finanzas Publico Sostenible pa Aruba, conoci como HOFA, na Raad van State.

E decision ta marca un logro significativo den e proceso legislativo, pero tambe a intensifica e debate politico riba e isla, cu partidonan di oposicion y sindicatonan advertiendo cu e ley por mina autonomia y toma di decision democratico na Aruba.

E RMR diabierna tambe tabata notable como e prome cu presencia di minister Plenipotenciario recién nombra pa Aruba, Mildred Schwengle, representando nos pais den e cuerpo ejecutivo mas halto di Reino.

Marco nobo pa sostenibilidad financiero

E ley proponi ta bin di un Acuerdo Administrativo (Bestuurlijk Akkoord) firma dia 4 di juni 2024, entre Aruba y Hulanda. E acuerdo a pone e base pa un ley di consenso di Reino destina pa segura e sostenibilidad di finanzas publico di Aruba a largo plaso.

Bao di e acuerdo, a pidi Fondo Monetario Internacional (IMF) pa duna conseho tocante e normanan fiscal cu mester guia e politica presupuestario di Aruba. Subsecuentemente a incorpora e recomendacionnan aki den e propuesta di legislacion.

Segun Ministerio Hulandes di Asunto Interno y Relacion di Reino, e ley di consenso ta establece reglanan cla diseñá pa mantene finanzas publico saludable na Aruba mientras ta sostene maneho fiscal responsable.

Un di e caracteristicanan central di e ley proponi ta su simpleza. E marco ta enfoca principalmente riba e tasa di debe di Aruba, usando e balans di presupuesto como un indicador secundario. E meta ta pa segura cu debe di Aruba ta keda riba un trayectoria sostenible a largo plaso.

Otro elemento clave ta introduccion di un facilidad di prestamo mediante cual Aru-

ba por fia for di Hulanda bao condicion favorable. Oficialnan Hulandes ta calcula cu e mecanismo aki lo por reduci e pago anual di interes di Aruba cu entre 100 y 150 milyon euro.

E ley tambe ta inclui medida preventivo pa reduci e riesgo di no cumpli cu regla fiscal. Esaki ta inclui creacion di un reserva di riesgo obligatorio, y requisito specifico di reportahe presupuestario.

Ademas, e legislacion ta duna pa un marco di evaluacion cla pa norma fiscal y ta permiti RMR duna instruccion unda ta necesario. Medidanan asina, sinembargo, por sucede solamente despues di dialogo explicito entre e paisnan dentro di Reino.

E acuerdo tambe ta duna espacio pa refinancia parti di debe externo di Aruba, y establecimiento di un cuerpo independiente di supervision presupuestario, referi como Begrotingskamer.

Menos interes y refinanciamiento

Autoridadnan Hulandes ta enfatisa cu e acuerdo financiero asocia cu HOFA por mehora significativamente e posicion fiscal di Aruba.

Unabes cu e ley dreña na vigor, Hulanda a indica su disponibilidad pa refinancia parti di e prestamonan existente di Aruba den mercado di capital Mericano. E acuerdo tambe ta inclui provision pa baha tasa di interes riba prestamonan cu Aruba a ricibi di Hulanda durante pandemia di Covid-19. Segun Hulanda, e medidanan aki lo por reduci e costo di servicio di debe di Aruba, liberando recurso pa inversion den areanan manera educacion, salud, y desaroyo economico.

Secretario di Estado pa Relacionnan di Reino, Eric van der Burg a describi e decision como un stap importante pa finanzas publico sostenible na Aruba.

“Despues di consulta entre Aruba y Hulanda, nos ta bayendo dilanti cu un propuesta legislativo conhunto cu ta bay yuda Aruba mantene finanzas publico saludable a largo plaso,” Van der Burg a bisa.

Prome minister di Aruba, Mike Eman tambe a elogiar e progreso, describiendo e de-

saroyo como un momento di estabilidad y cooperacion den Reino. “Den un mundo cu ta birando cada bes mas impredecible, ta esencial pa confianza, estabilidad y cooperacion existi den Reino,” Eman a bisa. “Door di traha hunto, nos por atende miho e retonan di nos tempo y inverti den loke ta sirbi e bon comun di Aruba y di Reino.”

Preocupacion di oposicion

A pesar di sosten di gobierno, e ley proponi a ricibi critica skerpi di partido mas grandi den oposicion, MEP, cu ta argumenta cu e legislacion ta menasa autonomia constitucional di Aruba.

Den un declaracion manda diabierna mainta, fraccion MEP a bisa cu ta imponiendo e ley sin sosten publico genuino. “Aruba ta den un momento di celebracion pa 50 año di nos Himno y Bandera y 40 año di nos Status Aparte, e partido a bisa den un comunicado di prensa. “Pero net awo, Gobierno ta dicidi di duna e pueblo un bofta door di forsa un ley di HOFA cu no tin e sosten di e pueblo.”

MEP a cuestiona si por legitimamente describi e ley como uno di consenso. Nan a punta riba varios desaroyo cu nan ta bisa ta demostra un falta di sosten amplio. Segun e partido, mas di 10 mil trahador representa pa sindicato a expresa oposicion na e propuesta. Ademas, un peticion rechasando e proceso a ricibi mas di 10 mil firma.

MEP tambe a nota cu casi mita di Parlamento di Aruba – 10 di 21 miembro – no ta sostene e legislacion. “Ora bo ignora e voz di tanto hende y bo ta pasa over di bo mesun Parlamento, bo ta kibra cu e fundeshi di nos democracia,” MEP a enfatisa.

Oposicion ademas a argumenta cu e ley por ta den conflicto cu Staatsregeling di Aruba door di limita e habilidad di e isla di maneha nos propio finanzas.

“Ta doloroso mira con despues di 40 año cu nos a logra nos Status Aparte, awe kier debilita nos autonomia cu un ley cu no a wordo debati ni acepta debidamente door di nos representantenan. Nos lucha di antes tabata pa nos mes por dicidi nos rumbo. Forsa e ley

aki ta un paso atras den nos historia.”

Sindicato ta cuestiona base constitucional

Preocupacion tocante HOFA no ta limita na politico. Un coalicion di sindicato tambe a publica un position paper detaya cuestionando e hustificacion legal y constitucional pa e ley di Reino proponi.

Den nan analisis, e sindicatonan ta argumenta cu maneho financiero di Aruba a mehora significativamente den añanan recién y pues intervencion mediante un ley di Reino no ta hustifica.

E sindicatonan tambe ta enfatisa cu Artículo 41 di Statuut di Reino Hulandes ta garantiza e autonomia di cada pais dentro di Reino pa maneha su propio asunto interno, incluyendo politica financiero.

Nan ta argumenta cu mester invoca Artículo 43 di Statuut – cu ta asigna Reino un rol salvaguardia – solamente ora un pais ta experimenta fayonan structural serio den gobernacion. Nan ta bisa cu en practica, Aruba a muestra den ultimo decada cu ta capaz di maneha su finanzas reponsablemente.

Desde 2015, Aruba ya ta suheito na supervision financiero door di Colegio di Supervision Financiero (CAft), cu ta monitoria cumplimiento cu regla presupuestario y ta duna recomendacion na gobierno.

E sindicatonan ta argumenta cu e arreglo aki, estableci mediante un protocol boluntario entre Aruba y Hulanda, ta proba cu cooperacion cu Reino por funciona efectivamente sin necesidad di un ley di Reino.

Nan tambe cuestiona e concepto di “consenso” subrayando e legislacion proponi, notando cu Parlamento di Aruba nunca a aproba e proceso formalmente.

Propuesta di alternativa local

Na lugar di un ley di Reino, e sindicatonan ta sugeri cu Aruba por logra e mesun obhetivonan cu legislacion nacional. Nan ta propone creacion di un ley local – referi tin biaha como L-HOFA – cu lo establece reglanan fiscal cla, supervision independiente, y reportahe regular na Parlamento.



Segun e sindicatonan, un marco asina lo preserva autonomia constitucional di Aruba mientras ta mantene transparencia y disciplina fiscal.

Nan tambe ta nota cu e memorandum splicatorio compañaando e propuesta di ley HOFA mes ta reconoce cu un ley nacional lo por regula hopi di e mesun asunto.

Debate tocante autonomia

E debate rond di HOFA ta refleha un discusion mas amplio tocante e balans entre cooperacion den Reino y autonomia di e paisnan constituyente.

Sostenedornan ta argumenta cu e ley lo reforsa estabilidad financiero di Aruba, reduci costo di prestamo y crea un marco mas cla pa politica fiscal.

Sinembargo, criticonan ta teme cu e legislacion lo duna demasiado autoridad tocante finanzas di Aruba na Reino. Nan ta adverti cu unabes adopta, unico manera pa cambia e ley di Reino lo ta mediante un proceso legislativo conhunto cu Reino, haciendo mas dificil pa Aruba revisa reglanan independientemente den futuro.

Siguiendo e decision di RMR diabierna, e ley di HOFA awo lo keda entrega na e division di conseho di Raad van State pa revision.

Despues cu Raad van State duna su conseho, e propuesta ta bay continua den e proceso legislativo den Reino y na e Parlamentonan di e paisnan participante.

Mientras e debate ta continua, e proximo lunanan probablemente ta bay determina si HOFA ta bira un pilar di politica fiscal na Aruba – of un punto di discusion continuo tocante autonomia y gobernacion den Reino.

Aruba ta perdiendo su sistema di proteccion natural y ta existi atencion inmediato

Pa nos por comprende di un forma mas amplio dicon proteccion di nos biodiversidad marino ta importante, prome nos tin cu comprende kico realmente esaki ta encera.

Biodiversidad marino ta referi na e variedad di bida den nos oceano. E ta inclui tur bestia, planta y microorganismo cu ta bibando den nos oceano, for di bayena te coral reef. E termino tambe a algo cu ta usa pa describi e abundancia di especie cu ta biba den un area.

Tin cierto luga cu tin asina un variedad grandi di especie diferente y poco comun cu ta referi na nan como 'hot-spot' biologico. E areanan aki cu tin un biodiversidad sumamente amplio, generalmente ta sostene procesonan biologico importante manera areanan pa cria of duna cuminda. Algun te hasta tin especie cu bo no ta haya ningun otro caminda na mundo.

Ehempel di hotspot di biodiversidad marino ta inclui Benguela Current Large Marine Ecosystem na e costa di Namibia y e region centro Indo-Pacifico, cual ta inclui e coral reefnan di Suroost Asia y Australia, ademas di contene e cantidad mas halto di especie den un solo areca.

Oceano ta algo cu ta esencial na e existencia di ser hu-

mano, conteniendo te hasta 80% di e biodiversidad na mundo. Biodiversidad marino ta permiti naturalesa den nos oceano ta uno cu ta productivo, resiliente y cu un habilidad di por adapta na cambionan ambiental. No solamente esaki, sino cu biodiversidad Marino por preveni tambe cu e extincion di un especie por causa un impacto negativo mas amplio riba e ecosistema marino.

Caribe ta reconoci como un di e hotspotnan mundial pa biodiversidad. E oceano ta mira varios ecosistema manera coral reef, mangel, entre otro, cu ta provee habitatnan critico pa varios especie, incluyendo te hasta parhanan endemico y bestianan marino cu ta den peligro di extincion, manera e 'hawksbill sea turtle.'

Un di e ecosistema mas scucha ta e coral reef, cual Nacionnan Uni su Environment Program ta splica como e ecosistema mas biologicamente diverso den nos oceano. Nan ta presente den mas di 100 pais y teritorio y mientras cu nan ta cubri menos di 1% di e tera bao awa, nan ta sostene or lo menos 25% di e especienan marino - cargando asina e biodiversidad mas halto di cualkier ecosistema global. Esaki tambe ta haci cu nan ta un di e ecosistema mas valioso riba e planeta.

Coral Reef ta trece seguridad,

proteccion di costa, bienestar, seguridad di cuminda y seguridad economico na centenares di miyones di persona na costa den e paisnan menos desaroya, economianan den transicion y islanan chikito den desaroyo rond di mundo.

E balor por ehempel di loke coral reef ta provee, manera turismo, pesca, proteccion na costa y te hasta ingredien-tenan medico, ta calcula na alrededor di \$2.7 triyon pa aña.

Ora tormentanan ta yega cerca di oceano, nan ta golpia e costa cu un forza sumamente grandi. Cu cambio di clima, e tormentanan aki su intensidad lo keda aumenta den e añanan binidero, ademas di e capacidad di olandan den pasa e costanan y causa destruccion. Pa miles di costa tropical, naturalesa a provee un forma impresionante como proteccion, y esaki ta e coral reefs cu manera menciona, ademas di ta un ecosistema extremadamente valioso, ta un protector cu naturalesa a regala nos.

E coral reef ta un estructura sumamente robusto y duradero, crea pa bestianan sumamente chikito cu skelet di calciumcarbonaat, cual ta provee un servicio importante na e costanan cu ta nan tras; absorbe te hasta 97% di e energia di e olandan. Ademas di esey, nan ta preveni inundacion den nacionnan Caribense.



Benji Jones a skirbi un articulo tocante esaki publica den Vox, unda ta detaya cu e sistema di defensa contra horcannan mortal den Caribe ta disparciendo, y aki e ta referi na coral reef. Nacionnan den Caribe ta particularmente vulnerable na horcan, pa e motibo obvio cu hopi biaha nan ta den ruta di e tormentanan.

Cada pida di reef ta un colonia di e bestianan chikito anteriormente menciona, cual ta yama polyp. E olandan ta perde nan energia ora cu nan golpia contra e coral reef, y mientras mas grandi y halto e reef ta, mas energia e ta absorbe. Te hasta un reef chikito por haci un diferencia, imagina un reef grandi, salu-dable cu ta conta cu e sosten di ser humano pa su bienestar y proteccion.

Segun Elizabeth Rholetter a skirbi den un investigacion, a pesar di su rikesa ecologico, e

oceano Caribense ta enfrente menasanan grandi di actividadnan humano y cambio di clima, cual ta causando e destruccion di habitat y caida den poblacion di especienan, pero tambe e perdida di coral reef.

Rholetter ta conta cu e region a mira un reduccion dramatico den cobertura di coral, empeora pa sobrepesca, contaminacion y temperatura di lama cu ta keda subi. Esfuersonan ta na caminda pa proteha e ecosistemanan aki, cu varios areanan proteha estableci, sinembargo ambientalistanan ta enfatisa cu medidanan mas robusto y miho practicanan di maneho ta necesario pa garnaitsa e sobrevivencia di e biodiversidad unico aki.

Caribe su beyesa natural y importancia ecologico cada biaha ta den mas riesgo, y esaki ta enfatisando e necesidad pa conscientizacion global y accion.

Centro di Bario Noord ta victima di un racha di vandalismo

"Nos mester proteha e lugar unda nos muchanan di Noord ta crece y desaroya"

Centro di Bario Noord a sufrir atrobe un daño hopi serio e siman aki na su veld di baseball. Hobennan sin respet pa comunidad a subi e veld pa haci vandalismo y destruccion.



Prome nan a kibra tur e bentananan di e cabina di transmision. E siman aki atrobe nan a haci daño grandi: cablenan di coriente a keda corta, e waya di e batting cage a keda destrui, y como consecuencia e entrenamentonan cu iluminacion no por tuma lugar.

Manera si esaki no tabata suficiente, awe mainta nos a haya un otro golpi duro: tur e rolman di matnan special di yerba artificial cu tabata des-

tina pa mehora tur dos veldnan di baseball a keda cendi na candela y a keda completamente destrui.

E daño ocasiona ta afectando directamente 200 mucha y hoben di Noord cu ta practica y ta activo den baseball na CBN. CBN tin actualmente 130 mucha y hoben di edad entre 5 y 16 aña cu ta entre-



nando na e veldnan di baseball di CBN bou di CBN Eagles. Ademas CBN tin tambe hobennan di edad 17 bay pariba: en total 70 cu ta practica na e veld di baseball di CBN (CBN Noord Indians).

"Esaki no ta solamente daño na material. Esaki ta daño na futuro di nos muchanan." Baseball na Centro di Bario

Noord no ta solamente un deporte. Ta un lugar unda muchanan ta siña disciplina, respet, responsabilidad, trabou duro y trabou den ekipo. Ta un lugar unda talento ta desaroya y unda muchanan ta keda na un caminda positivo.

Nos mester proteha e luganan unda nos muchanan ta crece y desaroya. E veld di

baseball ta di nos comunidad y ta cu hopi lucha sodo y sacrificio a yega pa tin e na unda e ta. Si nos no proteha esaki, of si nos no sigui inverti den dje, nos ta perde hopi mas cu solamente un veld.

Centro di Bario Noord a entrega denuncia y ta inventariando tur e daño material y inmaterial.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com

Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com

info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Decision pa reapertura di frontera cu Venezuela spera entre mei cu juni

Recientemente, medianan di comunicacion local tin hopi atencion pa e tema di reapertura di frontera cu Venezuela. Esaki relaciona cu e desaroyonan geopolitico recien, cu a mira caida di lider chavista Nicolas Maduro y un presencia Mericano fuerte na Venezuela.

Diferente medio local a reporta tocante e discusionnan andando den gobierno di Aruba tocante reapertura di frontera cu Venezuela. Esaki despues di años di tension y incertidumbre.

Frontera cera

E debate actual tocante reapertura di frontera entre Aruba y Venezuela ta yega despues di varios año di clausura marca pa tension politico, preocupacion economico y consideracion di seguridad.

E situacion a cuminsa na 2018, tempo cu Venezuela temporalmente a cera su frontera maritimo cu Aruba, Corsou y Bonaire, oficialmente citando preocupacion tocante traficacion y comercio ilegal. A pesar cu e clausura aki a dura apenas algun dia, relacion entre Venezuela y e islanan di Reino Hulandes a keda tenso. E situacion a escala na februari 2019, tempo cu presidente Venezolano, Nicolas Maduro a duna ordo pa clausura indefini di e frontera cu e islanan durante e crisis politico tocante entrega di ayudo humanitario na Venezuela. Maduro a acusa e islanan di facilita intentonan di oposicion Venezolano y partnernan internacional pa trece ayudo den e pais.

A pesar cu Venezuela a indica despues cu e frontera cu Aruba por a habri back, gobierno di Aruba a dicidi di mantene e clausura mediante un decreto nacional. For di e punto ey, tur trafico comercial y di pasahero entre Aruba y Venezuela tabata efectivamente suspendi. Manera Bon Dia Aruba a reporta, e frontera a keda cera desde 2019 mientras autoridadnan local tabata evalua e situacion politico y di seguridad na Venezuela.

E clausura tabatin consecuencia economico significante. Pa decadas, Venezuela tabata un partner comercial importante pa Aruba, suministrando fruta, berdura, pisca y material di construccion. E suspension di comercio maritimo y biahe tambe a



afecta shipping comercial y a reduci e fluho di bishitante Venezolano na Aruba.

Reapertura parcial

Despues di años di clausura, discusion tocante reapertura di e frontera a cuminsa gana momentum rond di 2022 y 2023. Gobierno di Aruba a indica cu e frontera no por keda cera indefinidamente, pero a enfatisa cu reapertura lo mester tuma lugar bao condicionnan estricto, incluyendo garantia di seguridad, control di migracion y cooperacion cu autoridadnan Venezolano.

Un prome stap pa normalisacion a yega dia 1 di mei 2023, ora cu a habri back e frontera maritimo pa transporte di carga. Esaki a permiti barco Venezolano reanuda comercio limita cu Aruba, particularmente den producto agricultural y otro producto importa tradicionalmente for di e pais bisiaña. Sinembargo, e frontera aereo a keda cera.

Desde esey, gobierno di Aruba rípidamente a extende e ciere di frontera aereo mientras ta continua studiando e condicionnan necesario pa reapertura. Autoridadnan a punta riba preocupacion tocante fluho di migracion, riesgo di seguridad y e necesidad pa areglonan operacional na aeropuerto.

E pregunta tocante e momento pa reapertura di frontera a bira un debate politico continuo. Sostenedornan ta argumenta cu restaura comercio y biahe por yuda reduci prijs di cuminda, reforsa laso economico regional, y rebiba lasonan comercial tradicional cu Venezuela. Otronan ta urgi cautela, advirtiendo cu habri back demasiado lihe por aumenta riesgo relaciona cu migracion ilegal, contrabando y inestabilidad biniendo di e crisis economico y politico na Venezuela.

Cu e caida di Maduro den un operacion militar Mericano dia 3 di januari ultimo, e situacion a tuma un birada inespera.

Hefe di mision di Reino ta “premira” reapertura di vuelo

Varios medio regional a cita Carmen Gonsalves, hefe di mision di Reino, bisando cu ta premira e reapertura di vuelo entre Aruba y Venezuela den proximo lunanan. “Entre islanan ABC, Venezuela y Reino tin laso historico, cultural, social y familiar importante,” el a bisa den un conversacion cu Roman Lozinski. “...tambe nos ta spera cu den un futuro proximo lo habri back vuelo entre Venezuela y Aruba,” el a revela.

Gonsalves a indica cu e ta den contacto cu gobierno di Aruba, “y nan a conta mi cu nan ta evaluando activamente e situacion tocante reanudacion di vuelo.”

Pa loke ta fecha, e ta spera cu autoridadnan na Aruba ta bay tuma un decision hopi pronto. “E prome minister ta premira di tuma un decision entre mei y juni.”

Frontera cera te “mei-juni”

Diferente medio di comunicacion local tambe a reporta cu prome minister di Aruba, Mike Eman (AVP) a indica recientemente cu ta bay evalua e reapertura di frontera cu Venezuela, y e decision lo yega den lunanan di mei of juni.

Papiando cu prensa local, premier Eman a indica cu e decision anterior ta mantene e frontera cera te cu mei-juni, y pues prome cu juni gobierno lo mester tuma un decision nobo pa sea mantene e ciere, of procede pa un reapertura.

Eman a agrega cu ya a tene combersacion cu director “di e departamento cu ta maneha visas”, kende a indica cu na Caracas tin capacidad pa maneha 8.000 visa. Na e momento aki ta manchando 5.000 visa segun Eman, loke ta indica cu tin espacio pa por acomoda un aumento den aplicacion di visa.

Eman ademas a bisa cu inclinacion di e gobierno actual, e coalicion AVP-Futuro, ta pa habri e frontera, pasobra a mira cu otro paisnan cu tabatin frontera cera cu Venezuela – manera Merca – a habri e frontera back. Segun Eman, si tin un señal biniendo di paisnan grandi cu e situacion ta favorable pa habri e frontera back cu Venezuela, e ora ta dificil pa Aruba bin cu argumento pa mantene e frontera cera. Preparacionnan a cuminsa pa por realisa e reapertura di frontera. El a adverti si cu ta keda monitoria e desaroyonan di e situacion.

Importancia di intercambio comercial

Den marco di e desaroyonan aki, Felipe Capozzolo, presidente di Fedecamaras di Venezuela, a indica cu e pais ta spera di fortalece relacion comercial cu Aruba, Corsou y Bonaire.

Den un entrevista cu un medio di comunicacion di Caribe, Capozzolo a indica cu Venezuela tin meta pa reestablece relacion comercial cu mayoria di mercado internacional, y cu e islanan di Reino Hulandes ta representa un partner importante den e strategia aki.

“E mercado di e islanan ABC ta importante pa Venezuela, specialmente manera un canal pa producto agricola y agroindustrial,” e Capozzolo a bisa Cronicas del Caribe.

Capozzolo ademas a resalta e necesidad pa desaroya un sistema logistico mas eficiente y transparente cu ta facilita comercio entre Venezuela y Caribe. Segun Capozzolo, organisacionnan manera Camara di Comercio di La Vela de Coro a desempeña un papel clave den facilita intercambio comercial den ultimo añanan. Sinembargo, el a indica cu pa fortalece comercio, ta bay ta necesario e acompañamento di autoridadnan publico di Venezuela y di e islanan.

A pesar cu bestaansminimum a baha, e diferencia cu salario minimo ta persisti

Siman pasa, Oficina Central di Estadistica, CBS a publica su Indice di Prijs di Consumo (CPI) pa luna di januari 2026. Den esaki a nota un reduccion leve den e bestaansminimum: Afl. 8 pa famia y Afl. 3 pa un hogar di un adulto. Esaki ta laga un gap entre salario minimo y loke un persona of famia “mester pa por funciona den sociedad.”

E bestaansminimum pa un hogar consistiendo di dos (2) adulto y dos (2) mucha (edad 0-14) na Januari 2026 ta Afl. 5,529, un caida di Afl. 8 compara cu December 2025 (Afl. 5,537). E bestaansminimum pa un hogar di un (1) adulto ta Afl. 2,633, un caida di Afl. 3 compara cu December 2025 (Afl. 2,636).

Kico ta un “Bestaansminimum” y con e ta ahusta?

CBS ta defini un bestaansminimum como e nivel

minimo di entrada cu ta ser percibi necesario pa un persona of famia por funciona den sociedad di un manera adecuado y socialmente aceptabel. Ora nos usa e definicion “Bestaansminimum”, en realidad ta ser referi na un “Sociaal Bestaansminimum” y no na e definicion literal di un “Bestaansminimum” cu ta referi na “e suma di placa necesario pa cumpra e bienes y servicionan cu ta ser considera necesario pa biba un bida liber di privacionnan basico” (Nacionnan Uni). Un indice a ser crea pa e “Bestaansminimum” door di calcula e costo di tur recursonan esencial cu un adulto promedio ta consumi durante un luna. Cada luna e indice aki ta ser ahusta, a base di e prijsnan di alimento, paña, vivienda, transporte y otro articulonnan den e canasta.

E bestaansminimum actual ta ser basa riba e rapport “Bestaansminimum 2010” publica door di CBS na December

2010, y cual ta ser actualisa mensualmente segun e CPI. E unidad di referencia usa door di CBS (manera indica den e rapport aki) ta di un hogar cu ta consisti di dos adulto y dos mucha (edad 0-14). E peso total pa un hogar asina ta 2.1 (1.0+0.5+0.3+0.3).

Gap persistente

Aunke e bestaansminimum a bira un caida chikito na januari 2026, e espacio entre loke un persona of famia mester pa biba adecuadamente y loke ley ta garantisa ta keda significante. Entrante 1 di januari 2026, salario minimo pa ora na Aruba ta Afl. 11,58 – loke pa un empleado cu ta traha 40 ora pa siman ta resulta den un salario mensual di Afl. 2.007,05. E bestaansminimum pa hogar di un adulto, segun CBS, ta Afl. 2.633 pa luna – un gap di mas di 600 florin cu un soltero ganando salario minimo no por cubri.

Pa un famia di dos adulto

Tabel 2 Bestaansminimum mensual na Aruba (na Afl.) segun tamaño y composicion di famia, (Base Oct. 2010) pa e periodo: Januari 2025 - Januari 2026

Periodo	Escala di equivalencia				
	1	1.3	1.5	1.8	2.1
	1 adulto	1 adulto + 1 mucha	2 adulto	2 adulto + 1 mucha	2 adulto + 2 mucha
Jan-25	2,609	3,392	3,914	4,697	5,480
Feb-25	2,616	3,401	3,924	4,709	5,494
Mar-25	2,622	3,409	3,933	4,720	5,507
Apr-25	2,625	3,413	3,938	4,726	5,513
May-25	2,624	3,411	3,935	4,723	5,510
Jun-25	2,624	3,411	3,935	4,722	5,509
Jul-25	2,617	3,403	3,926	4,711	5,496
Aug-25	2,628	3,417	3,942	4,731	5,519
Sep-25	2,629	3,418	3,944	4,732	5,521
Oct-25	2,630	3,419	3,945	4,734	5,523
Nov-25	2,628	3,417	3,942	4,731	5,519
Dec-25	2,636	3,427	3,955	4,746	5,537
Jan-26	2,633	3,423	3,949	4,739	5,529

Source: Central Bureau of Statistics Aruba

y dos mucha, e situacion ta mas critico. Hasta si ambos adulto gana salario minimo, nan entrada combina di Afl. 4.014 ta keda 1.500 florin bao di e bestaansminimum di Afl. 5.529. E cifranan aki ta ilustra cu e aumento recien di salario

minimo – introduci pa parlamento na september 2025 y vigente for di januari ultimo – ainda no ta suficiente pa cera e gap entre loke trahadornan ta gana y loke realmente nan tin mester.



E termino stagflation ta uno unda crecimiento economico ta abao y na mesun momento inflacion ta halto. Historia monetario ta muestra cu periodonan asina ta masha corosivo mes pa sociedad en general. Si nos wak datos, ya caba nos por conclui cu e nivel di inflacion ta mas halto, cu crecimiento economico, per data oficial di GDP y PPI inflation.

Tur esaki ta prome cu e guerra di siman pasa entre Merca y Iran. E presion inflacionario local y internacional ta bezig ta creando presionnan social enorme, y politica ta cuminsa responde na esaki. Pero na luga di wak historia monetario, nos ta wak cu esnan

den poder ta cay den e mesun trampanan economico clasico. Nos a boga pa diferente aña cu innovacion radical ta e unico solucion realistico. Tabatin hopi tempo, pero a simplemente kies pa no haci esaki.

Error Clasico: Loon-Prijs Spiraal

Debi na presion creciente, tambe nos ta wak cu Gobierno ta cuminsa cay den e eronan clasico di economia. En berdad tin un gap hopi grandi entre e bestaansminimum y ingreso minimo mensual. Ta sumamente importante berdad cu e gap ki wordo cera mas pronto cu ta posible.

Pero aki nos ta wak cu politica local y internacional a cum-

Simon Waslander: Bon Bini na Stagflation

insa cay den e trampa clasico di “Loon-Prijs Spiraal”. Den e trampa aki, politiconan ta kies pa gewoon aumenta salario minimo, cual en berdad ta hopi necesario, pero e efecto ta cu prijs di tur cos lo hisa across-the-board, cual den practica ta nulifica e efecto di aumenta salario minimo.

Na luga di hisa minimumloon den e manera proponi, mester bin cu inversionnan cu lo baha gastonan den un manera structural en/of hisa productividad economico. Un ehempel hopi duidelijk ta stima di panel solar cu bateria financia pa gobierno cu 0% interes. Esaki lo costa mas o menos 500 florin pa luna, pero na fin di e trayectoria e inversion ta uno duradero, cu ta baha gasto pa mas cu 25 aña. E diferencia entre hisa e minimumloon cu Afl. 500.- versus parti panel solar cu sistema di bateria ta parece uno hopi chikito y sutil. Pero den practica e ta un diferencia fundamental den su efectonan. Un otro propuesta ta pa cuminsa automatiza mas hopi cu ta posible den areanan medico y huridico, pa asina cuminsa baha gastonan di gobierno y AZV mas pronto cu ta posible.

Interes di “Happy Few” Semper ta Gana

Tambe loke nos ta wak local y internacional ta cu e interes di e “happy few” semper ta surpasa esun di e clase general di pueblo. Ehempel mas duidelijk ta cu e siguiente: Via fuentenan confidencial mi a bin di compronde cu Elmar N.V. no ta bay ‘sta toe’ mas instalacion nobo di panelnan solar pa full isla. Dus un prohibicion riba tur instalacion nobo di panel solar.

Aki nos ta wak duidelijk cu e interes di un empresa estatal a pasa riba esun di pueblo. Energia solar pa Aruba ta mas necesario cu nunca, pero na luga di stimula esaki, ta wak pa purba mat’e, cual ta muestra kico ta pasa den practica ora cu interesnan di e happy few clash cu esunnan general di pueblo.

Cultura di Miedo: Castiga e Mensahero

Tambe nos tin cu nota cu Aruba su cultura di miedo, esta cu un persona cu ta critica onderbouwd publicamente ta wordo castiga den maneranan directo y indirecto. Esaki ta un problema hopi fundamental, cu mester

cambia si nos kier wak nos pais echt progresa. Nos tin cu realisa si cu e a hopi frapante cu parce cu tur e “Checks & Balances” den gobernacion di e pais ta parce cu nan ta faya.

Por ehempel, na nivel di un Ministerio, tin e beleidsmedewerkers, cu mester conseha pa e maneho nacional. Si esaki faya tin Consejo di Minister, unda otro minister por grijp in. Si esaki tambe faya tin Parlamento. En fin, si esaki no brinda solucion tin e huntanan/directivanan cu por grijp in den maneho.

Erornan sistematico asina tin y lo tin consecuenecianan grave pa no solamente lectornan di Bon Dia Aruba, pero full e pais den plaso inmediato y den e ramo strategico. Ami a adverti, sacrifica, y wordo castiga pa hopi aña. Aunke e no a haci un diferencia den maneho na nivel practico, pero por lo menos, pueblo ta na haltura di e berdad, y moralmente esaki semper lo sali ganador.

Nota di redaccion: E articulo aki ta opinion di e autor y no ta representa opinion di Bon Dia Aruba.

Organisacion di sosten pa adictonan di droga a cera despues di recorte di subsidio

(NLTimes) - **Stichting Mainline, e organisacion nacional cu tabata provee sosten pa personanan profundamente adicto na droga, a anuncia cu e lo cera operacionnan despues di 36 aña a causa di e perdida di financiamiento di gobierno.**

E clausura ta laga un buraco significativo den cuida di adiccion, particularmente pa usuarionan marginalisa cu tin acceso limita na otro servicionan, NOS a reporta.

Wim van den Brink, profesor di emeritus di cuida di adiccion y presidente di Mainline su directiva, a conta NOS,

“esaki no ta e momento pa para sosten di cual nos tin necesidad profundo.” El a enfatisa cu e organisacion su servicionan tabata dirigi na “usuarionan di droga marginalisa. Nan ta hende cu usualmente no por yega na dunadornan di cuida.”

Mainline, funda durante e epidemia di AIDS den 1990, inicialmente tabata provee educacion pa usuarionan di droga via un revista distribui den colaboracion cu e municipio di Amsterdam, despues expandiendo den henter e nacion na areanan cu concentracion halto di usuario. Durante tempo, e organisacion a desaroya proyectonan di sesion pa cana drenta y actividadnan unda usuarionan por busca sosten, siña con pa reduci uso of practica consumo mas safe di droga, incluyendo acceso na hangua limpi.

E organisacion tambe a hunga un rol clave den identifica



modanan nobo di droga y substancianan contamina, informacion cu aparentemente tabata vital na Ministerio di Salud, Bienestar y Deporte.

Van den Brink a nota cu Mainline su contacto directo cu usuarionan id crack tabata permiti e ministerio monitor e cantidad di usuario den e pais aña pasa. “Mi no sa ken lo haci esey awo. No tin ningun hende pa esey actualmente,” el a declara.

E organisacion su dificultadnan financiero a cuminsa

despues cu gabinete di Rutte a elimina su subsidio VWS, cual tabata responsable pa 40% di Mainline su presupuesto anual. E municipio di Amsterdam temporalmente a aumenta financiamiento local pa yuda cu e perdida, sinembargo esaki no tabata suficiente.

Pa e ultimo aña y mita, Mainline a purba sigui operacionnan mientras ta reduci costo, sinembargo e esfuerzonan a fracasa. “Y esaki ta nifica cu awo nos ta cayendo,” Van den Brink a bisa.

Parlamento ta aloca 1.5 miyon euro pa agrega desfibrilador den barionan di menos recurso



(NLTimes) - **Tweede Kamer a aproba e plan pa pone mas desfibrilador, tambe conoci como AED, den barionan di tiki ingreso y pa haya voluntarionan adicional cu lo train.**

E iniciativa, proponi pa GroenLinks-PvdA y ChristenUnie, a ricibi sosten di partidonan di coalicion D66, VVD y CDA, segun confirmacionnan di e partidonan na RTL.

Un total di 1.5 miyon euro a keda aloca pa reduci asina yama “white spots,” areanan na Hulanda unda no tin of tin tiki AED. E aña aki, 500.000 euro lo keda inverti, cu otro 1 miyon euro den plan pa e siguiente 2 aña.

Algun bario actualmente no tin un AED operacional. Den e distrito Transvaal di Den Haag, por ehempel, HartslagNu, e organisacion cu ta monitor localidadnan di AED, no ta muestra ningun disponible.

Julian Bushoff, di Groen-

Links-PvdA, a enfatisa e riesgonan. “Ambulanc ta bin, pero hopi biaha e ta tuma su tempo. Den e tempo aki, ki diferencia bo por haci entre bida y morto. Cada minuut sin resuscitacion ta reduci e chens di sobrevivencia,” el a declara.

Data di HartslagNu a indica cu e disponibilidad di AED ta particularmente limita den areanan vulnerable manera Heerlen-Noord, Utrecht Overvecht, Rotterdam-Zuid y Transvaal na Den Haag. Dutch Heart Foundation ta recomenda pa AED keda accesible dentro di 500 meter, un standard cu varios bario no ta cumpli actualmente.

E fondonan tambe lo sostiene barionan conecta cu falta di cobertura di AED pa alerta sistemanan manera HartslagNu y aumenta e cantidad di ciudadanonan cu training pa responde. Legisladornan ta enfatisa cu sobrevivencia di problemanan cardiaco no mester depende riba e codigo postal di un persona.

Yerba di lama

Encuentro di Conocemento

diamars, 10 di maart
6:45pm - 8:45pm
Centro di Bario Noord

diahuebs, 12 di maart
6:45pm - 8:45pm
YMCA San Nicolas

- Introduccion di Naturalesa ta Papia
- Presentacion educativo
- Actividad interactivo
- Pregunta y contesta
- Participacion ta gratis

Registra aki.

'Naturalesa ta Papia' ta un program presenta pa Aruba Conservation Foundation (ACF) cu e meta di conecta e comunidad di Aruba, atraves di diferente sesionnan pa stimula un conexon cu Aruba su naturalesa.

Naturalesa ta Papia

Avion militar Hulandes lo trece miles di ciudadano for di Medio Oriente back

(NLTimes) - **Gobierno di Hulanda lo manda su prome avion militar di aranson anochi pa Medio Oriente pa trece “miles” di ciudadano Hulandes back cu a keda pega den exterior. Dilan Yeşilgöz, minister di Defensa, a confirma e decision aki. Segun minister di Asunto Exterior, Berendsen, casi 11.000 ciudadano Hulandes a pidi asistencia. Hopi di nan mester haci un biahe largo pa yega na e aeropuerto, y transporte pa nan a resulta dificil.**

“E transporte ta confronta problema den algun caso”, Berendsen a bisa diabierna anochi durante un programa di television. “P’esey nos a pidi Defensa pa yuda trece hende back cas.”

Segun Yeşilgöz, e operacion lo probablemente implica cu ciudadanonan mester bi-aha for di Oman pa Egipto prome cu nan bolbe Hulanda. El a indica cu Ministerio di Asunto Exterior a traha cu idadosamente riba e situacion durante henter siman.

“Nos tin miles di hende cu nos kier trece back. Nos lo comunica pronto e detaye exacto riba con, unda y kico lo sucede pa hende sa kico nan por spera”, e minister a declara.

E operacion ta usa un avion Airbus A330 MRTT di Royal Netherlands Air Force.

Ministerio di Asunto Exterior a declara cu ayudo di Defensa tabata necesario pa haci transferencia na lugarnan unda vuelonan charter of vuelonan comercial actualmente no ta



disponibel.

Yeşilgöz a bisa cu mas vuelo por sigui si ta necesario. E

prome vuelo lo sali for di Hulanda pa Oman y despues lo transporta pasaheronan via Egipto back pa Hulanda.

Hefenan policial critica despues di acusacion di posible mala conducta den caso di asesinato di Lisa

(NLTimes) - **Lidernan halto di Politie Nederland ta enfrentando critica creciente di polisnan y sindicatonan despues cu un mensahe interno tocante posible mala conducta den e investigacion di asesinato di Lisa di Abcoude a provoca indignacion den henter e organizacion, segun AD.**



Lisa, di 17 aña, a ser mata cu cuchiu 20 di augustus 2025 mientras e tabata core bicicleta back cas despues di un salida den centro di Amsterdam.

Lidernan di polis a declara cu alrededor di 1.700 oficial a haya acceso na informacion tocante e caso via un sistema interno sin autorisacion, lantando preocupacion tocante posible mala conducta.

Den un carta manda den weekend na casi 62.000 empleado di e organizacion, subdirector general di polis Wilbert Paulissen a reconoce cu comunicacion di liderazgo a provoca un reaccion emocio-

nal fuerte.

El a bisa cu nunca tabata e intencion di liderazgo di polis pa acusa coleganan inhustamente of daña nan reputacion.

Sinembargo, polis y representantenan di sindicato ta bisa cu e situacion a ser mal presenta. Nan ta argumenta cu informacion menciona no tabata parti di expediente confidencial di e caso, sino tabata aparece den un sistema general di informacion di polis cu miles di oficial ta consulta den nan trabao dia-

riamente.

Hopi polis ta bisa cu e mensahe a crea un impresion cu liderazgo tabata duda nan profesionalismo y integridad. Sindicatonan di polis ta reporta frustracion general entre miembronan.

Hefenan policial a indica cu reunionnan cu sindicatonan ta planifica pa e siman cu ta bin, mientras un revision interno lo investiga con e grupo di 1.700 oficial a ser identifica y si comunicacion tocante e asunto a ser mancha cu suficiente cuidio.

Premier Hulandes ta reuni cu presidente Ucrainiano memey di disputa petrolero entre Ucrania y Hungria

(NLTimes) - **Rob Jetten, prome minister di Hulanda, a bishita Ucrania diaranson y a reuni cu presidente Volodymyr Zelensky na Kyiv pa discuti e conflicto creciente entre Ucrania y Hungria, un miembro di Union Europeo.**

Durante e bishita, Jetten y Zelensky a pone un corona di flor como señal di respet. E biahe ta marca e prome bishita oficial di Jetten na Ucrania.

E disputa ta centra riba e tuberia petrolero Druzhba pipeline, cual ta suministra Hungria cu petroleo Ruso na prijs desconta. Ucrania ta afirma cu e tuberia a ser daña durante un atake Ruso, mientras Hungria ta sostene cu e suministro di petroleo ta ser reteni deliberadamente.

Prome minister di Hungria, Viktor Orban, a blokea un prestamo di 90 bion euro di Union Europeo pa Ucrania te ora e suministro di petroleo via e Druzhba pipeline ser restaura.

Como reaccion, Zelensky a adverti: “Nos ta spera cu un persona den Union Europeo no lo blokea e 90 bion euro, of e prome parti di e fondo. Si no, nos lo duna direccion di e persona ey na nos forza arma pa nan por papia cu nan den nan propio idioma.”

E Comision Europeo a declara cu e comentario di Zelensky tabata “inaceptabel”, enfatisando cu paisnan miembro di e Union Europeo no mester ser menasa. Jetten a describi intercambio di palabra entre ambos banda como “bastante fuerte”, se-



ñalando cu politica interno tambe ta hunga un rol. Hungria ta enfrente eleccion e luna cu ta bin y Orban ta atras den sondeo electoral.

“E situacion mester calma,” Jetten a bisa, subrayando cu e

prestamo di 90 bion euro ta “crucial” pa Ucrania. El a indica cu e lo consulta cu Zelensky tocante posible solucionnan pa resolve e impasse. E biahe aki ta e di dos bishita stranhero di Jetten desde cu el a asumi cargo, despues di

un bishita anterior na Bruselas. Siman pasa, minister di Asunto Exterior Hulandes Tom Berendsen y Dilan Yeşilgöz di Defensa tambe a bishita Kyiv.

Dia Internacional di Hende Muhe: Ainda tin hopi pa haci na Hulanda



(DutchNews.nl) – Segun e rapport mas recien di Global Gender Gap publica pa World Economic Forum, Hulanda a baha for di posicion number 28 na number 43 den e clasificacion. Na 2008, e tabata number 9.

E rapport tabata un “shock pa hopi,” segun Sophie Witteveen, presidente di Consejo di Muhe di Hulanda (NVR), e organisacion umbrell pa gruponan di hende muhe. E posicion abao, el a bisa, ta principalmente pa motibo di apenas dos di e metriconan di e indice – representacion economico y politico. “Nos puntuacion ta relativamente pover den esaki, y e gap cu mester cera pa igualdad ta grandi.”

E Global Gender Gap Index ta compara paisnan basa riba participacion economico, educacion, salud y empoderamento politico di hende muhe. Hulanda ya no tin un gap di genero den educacion y e cobertura di salud ta 90 por ciento. Pero diferencia di genero ta persisti den empleo.

Datonan publica recientemente pa Eurostat, e oficina di estadistica di Union Europeo, ta muestra cu na 2024, e tasa di empleo pa muhe na Hulanda tabata casi 80 por ciento y pa homber 87 por ciento, resultando den un gap di genero den empleo di siete punto porcentual, compara cu e averahe di EU di 10. Na 2014, e diferencia tabata 11 por ciento.

A pesar di e progreso aki, sinembargo, Hulanda ta un di e paisnan Europeo cu e tasa mas halto di muhe cu ta traha part-time. Pa loko ta nivel di carera, na 2024 e cantidad di muhe den posicion di man-

agement na Hulanda tabata alrededor di 30%, tiki bao di e averahe di EU di 35%. Esaki ta compara cu 44% na Suecia, e pais Europeo top den e area aki.

“E nivel halto di educacion ta nifica cu mas muhe cu homber ta busca educacion avansa, tanto globalmente como na Hulanda, pero esaki no a traduci ainda den participacion economico y rolnan di liderazgo pa muhe,” Witteveen a bisa. “Tin barera cu ta preveni muhe di asumi posicionnan senior di liderazgo den varios sector, particularmente profesionnan STEM.”

E gap di salario ta otro problema, specialmente den rolnan senior. Hues femenino, por ehemplo, actualmente ta demandando pasobra nan no ta haya e mesun pago cu nan coleganan masculino. E think-tank sociocultural di gobierno, SCP tambe a haya cu 22% di muhe adulto ta gana demasiado poco pa ta financieramente independiente, y cuatro di cada 10 no tin un trabao paga, hopi biaha pasobra nan ta dunadornan di cuida na cas.

Otro area critico pa Hulanda ta e gap di pensioen. Na EU, pensioen di muhe na 2024 tabata den averahe 25% menos cu di homber. Pero na Hulanda, e gap aki ta mas di 36%, e di dos mas grandi tras di Malta.

“Hulanda ta unico den e hecho cu hopi muhe ta traha part-time y ta contrinui menos na nan sistema di pensioen. E porcentahe di muhe trahador ta como 75%, pero solamente muhenan altamente educa ta traha full-time (45%) of al menos cuatro dia pa siman,” Witteveen ta bisa.

Cft: Presupuesto di Corsou ainda no ta cumpli cu standard di supervision financiero



(CuraçaoChronicle) – Colegio di Supervision Financiero di Corsou y Sint Maarten (Cft) ta bisa cu Corsou ainda no a atende suficientemente su recomendacionnan tocante presupuesto nacional 2026.

2026, Cft a declara cu e respuesta di gobierno na conseho anterior no ta resolve adecuadamente varios preocupacion financiero. Como resultado, e colegio supervisor ta bisa cu su evaluacion anterior di e presupuesto 2026 ta keda sin cambio.

Den un carta fecha 4 di maart

E colegio anteriormente a

conseha Corsou, dia 23 di januari, pa haci varios ahuste pa sigura cu e presupuesto ta cumpli cu e rekisitonan di ley di Reino di supervision financiero.

Segun Cft, gobierno ainda no a duna un bista numerico cla tocante e consecuenan financiero di e aumento reciente den pago di pensioen AOV. Ademas, ainda tin incertidumbre tocante e impacto financiero di e situacion andando na Centro Medico Corsou (CMC).

Cft a pidi gobierno pa responde di nobo prome cu dia 11 di maart, y pa entrega amienda formal di presupuesto pa dia 15 di maart hunto cu su rapport di ehecucion pa prome kwartaal di 2026.

Uruguay ta distancia for di “club di amigonan” di Merca y a fortalece su relacion back cu e regimen Chines

(Infobae) - Washington Abdala, ex-embahador di Uruguay na Organisa-tion of American States (OEA), a bisa Infobae cu e distanciamento di gobi-erno di Yamandú Orsi cu Merca “tin mas desben-taha cu beneficio”: “E ta-bata mester di vision pa bishita Merca prome cu China”.

Desde cu Orsi a yega na poder 1 di maart aña pasa, el a marca un distancia cla di politica exterior Norte Americano na un momento den cual e administracion di Donald Trump ta pone enfoka special riba aumenta cooperacion cu paisnan bisindario y frena e avance rapido cu e regimen di China a logra den e ultimo decada.

“Problema no ta e bishita na China; e punto di critica ta no compronde dimension di politica exterior Norte Americano y no sa con mancha relacion cu nan (...) Mundo ta preto of blanco y bo mester tuma posicion na un banda of otro, manera Argentina y Paraguay ta haci... Uruguay no ta parti di e club di amigonan di Trump”, Abdala a declara.

Orsi, miembro di e coalicion di isquierda Frente Amplio, a haci un cambio fuerte compara cu gobierno anterior di Luis Lacalle Pou.

Un di e prome señalnan a surgi na comienso di januari, ora e forsa militar di Merca a haci un operacion dirigi pa captura e lider Venezolano Nicolas Maduro na Caracas. Maduro ta acusa pa varios violacion di derechonan humano y pa lidera e cartel di narcotrafico conoci como Cartel de los Soles.

E reaccion inicial di gobierno Uruguayo tabata un comunicado di canciyer expresando “preocupacion serio” tocante e evento.

“Rechaso di intervencion militar y buskeda permanente pa un solucion pacifico pa e crisis Venezolano. E fin no por hustifica medio”, Orsi a bisa posteriormente.

Despues di e captura di Maduro, presidente Uruguayo a alinea su posicion cu paisnan progresivo y a hasta tene un combersacion cu prome

minister di Spaña, Pedro Sanchez. Ambos tambe a firma un declaracion conhunto cu Brasil, Colombia, Chile y Mexico pa presenta un posicion critico riba e operacion militar di Merca.

Varios siman despues, Orsi a biaha pa China, unda el a firma cu Xi Jinping un asociacion strategico integral y varios acuerdo bilateral pa fortalece relacion entre ambos pais.

Mesora, Merca y Taiwan a expresa preocupacion tocante e bishita di e presidente Uruguayo na e pais Asiatico debi na un posibilidad di aumento di influencia Chines den Latino America.

Orsi a lidera un delegacion di 150 persona incluyendo funcionario di gobierno, empresario y miembronan di sindicato pa fortalece intercambio comercial, academico y politico. E agenda a inclui reunionnan na Beijing cu Xi Jinping, prome minister Li Qiang y presidente di Congreso Nacional Popular Zhao Leji. Tambe tabatin bishita na universidadnan y centro di investigacion na Beijing y Shanghai.

Canciyer Uruguayo tambe a publica un comunicado expresando preocupacion extremo tocante atakenan militar contra Iran di parti Merca y Israel, y tambe riba e reaccion militar Irani.

Gobierno Uruguayo a pidi respet pa derecho internacional y pa Merca su carta, specialmente e normanan di regula uso di forsa den relacionnan internacional. E comunicado a enfatisa cu e principionan aki ta esencial pa mantene paz y seguridad regional y global.

Uruguay a reafirma cu e ta un pais cu ta promove paz y a urgi e partidonan involu-cra pa baha tension, muestra moderacion maximo, respeta derecho humanitario internacional y bolbe na canalnan diplomatico pa solucionar e problema nuclear.

E canciyer tambe a indica cu e ta mantene contacto permanente cu personal diplomatico na su embahadan den e region, incluyendo representantenan na Israel, Iran, Palestina, Saudi Arabia,

Emirato Arabe Uni, Qatar y Libanon.

Como resultado di e postura aki, Uruguay no a ser invita na e reunion reciente promovi pa Trump pa logra paz na Gaza, ni tampoco a participa den e cumbre di seguridad “Shield of the Americas” na Florida.

E tambe a keda exclui di un acuerdo regional contra crimen organisa y contra influencia Chines creciente den America Latina. Autoridadnan Norte Americano tambe a suspende un regimen migratorio favorable pa ciudadanonan Uruguayo.

E exclusion di Uruguay for di e foro multilateral y suspension di beneficio migratorio ta ilustra un cambio significativo den e posicion regional di e pais despues di e yegada di Orsi na poder.

“Nos no ta parti di e club di amigonan di Merca”

Abdala a declara cu e regreso di Frente Amplio na gobierno a causa un friamento cla den relacion cu Merca, locual segun su analisis ta implica perdida di capital diplomatico y economico logra durante

e administracion di Lacalle Pou.

El a bisa cu tur e progreso cu a ser logra pa acerca relacion cu Washington “a keda fracciona”.

Segun Abdala, gobierno actual no ta compronde e dinamica di politica exterior Norte Americano y Uruguay no ta figura den ningun prioridad di agenda di Washington.

El a agrega cu relacion cu China y cu Union Europeo ta predicebel, pero e pais no tin suficiente influencia pa cambia e curso di e relacionnan aki.

Segun e, e problema central ta incapacidad di e canciyer pa compronde con e Departamento di Estado di Merca ta opera y con e administracion di Trump ta traha.

“E acuerdo di comercio liber casi no ta existi mas; awor ta e telefon di Trump cu ta duna cuota”, el a splica, describiendo un escenario unda splicacion tradicional a ser reemplasa pa negociacionnan directo.

Abdala tambe a critica e posicion di gobierno pa e regimen di Venezuela y Cuba, ar-

gumentando cu inicialmente gobierno no tabata dispuesto pa clasifica Venezuela como un dictadura.

El a compara e strategia exterior di Uruguay cu di Argentina y Paraguay, paisnan cu segun e ta opta pa alineamento cla. Como ehempel el a menciona presidente Argentino Javier Milei, kende, segun e, a bishita Merca hopi biaha pa fortalece relacion bilateral.

Abdala a adverti riba consecuencia economico di e distanciamento aki, enfatisando cu inversion ta e unico palanca real pa desaroyo economico.

“E patriota berdadero ta esun cu ta defende interes di su pais den miho manera”, el a conclui, lamentando cu politica exterior actual di Uruguay no ta logra atrae inversion ni posiciona e pais den espacio decisivo internacional.

“Uruguay no ta parti di e club di amigonan di Trump; esey tin mas desbentaha cu beneficio. Mi no ta mira beneficio di e aventura di independencia aki”, Abdala a conclui.



Colombia: Derecha ta anticipa comeback mientras e pais ta vota

(AFP) – Colombianonan a cuminsa vota diadomingo den eleccion legislativo cu ta bay duna forma na e lunanan final di mandato di presidente Gustavo Petro y test si e antes-poderoso derecha ta cla pa un comeback politico.

Alrededor di 40 miyon votador ta bay eligi casi 300 legislador – dicidiendo e composicion di Congreso y dunando un indicacion di e temperatura simannan prome cu eleccion presidencial na mei.

E Congreso nobo ta bay determina si Petro por continua su esfuersonan di ultimo momento pa skirbi Constitucion di nobo, un movida cu criticonan ta bisa lo debilita control riba poder presidencial.

Decadas di lucha interno brutal na Colombia y e presencia di mafianan di cocaina ainda poderoso a pone un sombra largo riba e campaña.

Mas di 60 lider politico a keda

asesina, incluyendo un candidato presidencial asesina den pleno luz di dia na e capital, Bogota.

Rebeldenan tambe a rementa un bom na un ciudad mayor, y un tercera parti di e pais ta considera insurgur pa campaña.

E Congreso actual a aproba algun di e reformanan ambicioso di Petro, pero mientras su mandato ta yega su fin, a rechasa otronan manera reforma di cuido di salud of cambio di e codigo di impuesto pa trece mas entrada pa gobierno.

Petro a dal back cu rallynan grandi frecuente, den cual el a denuncia e legislatura, cu a perde respet entre hopi Colombiano den añanan recien pa motibo di scandal di corrupcion.

Colombia tambe ta purbando di sali for di 50 aña di bataya genera pa un mescla compleho di rebelde isquierdista, paramilitar, y capo di droga. Hopi di e violencia ta impulsa pa trafico

cacion di cocaina.

Centronan di votacion a habri pa 8am y a keda habri pa ocho ora.

Ex-guerrilla

Den e marco aki, tin un bataya pa e alma politico di e pais. Petro, un ex-guerrillero, a bira e prome lider isquierdista den historia di Colombia na 2022. El a yega e presidencia sosteni pa un coalicion progresivo amplio, cu desde esey, ta kibra pa pelea interno y a haya dificultad pa goberna.

Propenso pa explosionnan riba rednan social, discursonan grandilocuente y disputanan publico, Petro a destitui mas di 60 minister den cuatro aña.

E ta constitucionalmente prohibi di postula di nobo, pero su aliadonan ta spera di reforsanan number den e legislatura y continua reforma despues cu e bandona poder na augustus.

Petro a propone crea un asamblea constituyente cu lo redacta Constitucion di nobo. E ta spera cu e ley basico nobo lo reforma e hudiciario, cual su aliadonan ta mira como di inclinacion derecha, y lo duna e presidente mas poder pa goberna mediante decreto.



Cara familiar

Pero e isquierda mester enfrenta e speranza di derecha pa un re-bibamento politico despues di aña di stancamento – un tendencia mira na otro paisnan Latino Americano.

Poderoso ex-presidente Alvaro Uribe ta postula pa un asiento den Senado, sperando pa rally votadornan cu a sostene su politicanan fuerte di seguridad durante su presidencia entre 2002-2010.

A pesar di un acuerdo di paz na 2016, gruponan arma disidente ta expandiendo y rearmando bao di e negociacionnan para di “paz total” di Petro.

Minister di Defensa, Pedro Sanchez a anuncia e despliegue

di forsanan di seguridad pa sigura eleccion “sigur.”

“Lucha pa voto no ta facil,” segun Sandra Ramitez, senador y ex-guerrilla di FARC a bisa AFP.

Campañanan ta sosteni riba personalidadnan di TikTok, cantante y condenido genera pa AI pa destaca den un campo satura.

Dos activista a hasta postula un candidato AI conoci como “Gaitana” pa un di e asientonan reserva pa comunidnan indigena. Representa pa un muhe cu cuero color blauw y decora cu pluma, Gaitana ta describi su mes como un ambientalista y defensor di derecho di animal.

Mas cu 30 herida den explosion na discoteca na Peru

(AFP)—Un explosion den un discoteca den norte di Peru a herida 33 persona diasabra tempran, segun autoridadnan cu ta investigando e incidente den un region afecta pa crimen organisa.

E explosion, describi como un posible “ataque” den un declaracion di gobierno regional di e departamento La Libertad, a sucede prome cu amanecer na discoteca Dali cerca di Trujillo, un ciudad costero rond di 500 kilometro noord di capital Lima.

Decenas di hende tabata den e club disfrutando di un presentacion di cumbia ora un explosion a sacudi e luga, segun imagnan na musta riba canal local Sol TV Peru.

“Nos tin 33 persona herida reporta te awor, incluyendo cinco den estado serio,” gerente regional di salud Alberto Florian a bisa den un transmision di television Latina Noticias.

Provincia di Trujillo a ser fuertemente afecta pa crimen organisa den e ultimo añanan y ta bao di un estado di emergencia declara pa gobierno desde maart 2025 debi na aumento di extorsion y asesinato pa encargo.

Peru en general tambe ta enfrentando un crisis serio di criminalidad. Aña pasa tabatin 2.200 homicidio relaciona cu crimen organisa, segun datonan di polis.





WE'RE HIRING

CHEF

LINE COOK - KITCHEN HELPER

**EXPERIENCED
PASSIONATE
ENERGETIC
CUSTOMER FOCUSED**



send your CV to casatuaexecutive@gmail.com

Actor Corey Parker ta fayece cu 60 aña

(TMZ) - Corey Parker - un actor cu a participa den varios pelicula y show conoci - a fayece segun TMZ a informa.

Emily Parker - Corey su tanta - ta conta cu e celebridad a fayece diahuebs na Memphis, Tennessee despues di un lucha contra Cancer. No ta cla ki tipo di cancer e tabatin.

Corey su comienso den entretenimento y e industria di pelicula tabata den mita di 1980, notablemente ganando e rol di Pete den "Friday the 13th Part V: A New Beginning." Despues di e exito aki e tabatin un rol chikito den e drama romantico di Kim Basinger "9 1/2 Weeks."



Den 1992, Corey a logra su prome rol principal den e programa "Flying Blind" banda di Tea Leoni. El a in-

terpreta e rol di Neil Barash - un graduado di universidad cu ta cuminsa un relacion cu Leoni su personahe Alicia.

Lisa Kudrow, Peter Boyle, Andy Dick y Noah Emmrich tur a participa den e show durante su prome temporada.

Fanaticonan di "Will & Grace" por corda Corey pa su personahe Josh - un di Grace su pareha - den 5 episodio di e programa cu tambe tabata un hit.

Su otro creditonan ta inclui "Biloxi Blues," "White Palace," "Love Boat: The Next Wave," "Nashville," y "Blue Skies." Den e añanan

despues, Corey a transiciona na traha como un coach di actuacion, dunando conseho riba e programanan "Sun Records" y "Ms. Marvel."

BGB Studios - un studio di actuacion cu cual Corey tabata involucra - tambe a haci un publicacion den honor na Corey, compartiendo un tributo sentimental pa e strea cu awo a fayece.

Aparentemente Corey a crece tambe den un famia creativo, su mama, Rocky - ken tabata casa cu Patrick Dempsey den fin di añanan 80 y comienso di 90 - y su ruman muhe, Noelle, tabata actor tambe. Rocky a fayece den 2014.



Ganador di 'Outlast' aresta y acusa di violacion di un mucha

(TMZ) - E ganador di e prome temporada di Netflix su competencia di sobrevivencia "Outlast" ta enfrentando cargonan criminal serio na Tennessee, incluyendo supuesto violacion di un mucha, TMZ a confirma.

Segun recordnan di prison, mira pa TMZ, a aresta Preece na Knox County dia 6 di maart y a acus'e cu violacion di un mucha, agresion sexual grave y intento di violacion di un mucha.

E caso ta bini di un orden, aunke mas detaye

tocante e acusacionnan no ta conoci publicamente ainda.

E concursantenan di "Outlast" ta forma ekiponan y ta competi pa sobrevivi den hungla di Alaska pa un premio di \$1 miyon. Durante e show su prome temporada den 2023, Preece a split e placa cu Charlie Camp su miembronan Seth Lueker y Nick Radner.

Aunke a pidi Preece comentario, te ainda no a haya contesta.

Industria di ballet y opera disgusta cu comentarionan di Timothee Chalamet

(AFP) - Nominado di Oscar Timothee Chalamet ta den prome posicion pa bay cas cu e estatua di oro pa "Marty Supreme" - sinembargo definitivamente e no a logra convence fanatico den mundo di opera y ballet.

Den dialogo na town hall luna asa cu gnador di Oscar Matthew McConaughey, organisaa pa CNN y Variety, Chalamet di 30 aña tabata papiando tocante e futuro di cinema y si e yegada di streaming ta marca e fin pa cinema.

"Si hende kier wak e - manera Barbie, manera Oppenheimer - nan ta bay wak e y nan ta bay ta orguyoso di esey," Chalamet a expresa. "Y mi no kier ta trahando den ballet of opera of cosnan



unda mane, 'Hey, mantene esaki na bida, aunke ningun hende ta worry cu esey mas.' Tur mi respet pa ballet y opera eyfo," el a hari, cu hari di e audiencia.

"Mi a caba di tira palabra por nada."

E companianan di opera y

ballet rond di mundo no a gusta.

Den e actor Frances Mericano su New York, Metropolitan Opera a publica un video backstage cu e citacion "Esaki ta p'abo @tchalamet..."

Paris Opera tambe a duna comentario tocante "Marty Su-

preme," den cual Chalamet ta hunga e rol di un hungado di taffel tennis den 1950 cu soñonan grandi.

"Ata, tin ping-pong den opera tambe," el a bisa riba Instagram, cu un video di "Nixon in China," cual awo ta pasando na e capital Frances.

Vienna State Opera a bisa Chalamet: "Considera esaki bo invitacion personal pa Vienna. Nos escenario ta warda'bo."

Y na Londres, English National Ballet a publica diabierna: "Querido cualkier celebridad cu ta kere cu ningun hende ta worry cu ballet of opera... Nos ta feliz di reporta cu ballet no solamente ta bibo y bon, sino mirando exito."



FLAG DAY



\$28,056 PROGRESSIVE

Alhambra
CASINO AND SHOPS

Wednesday, March 18 | 1pm
8 Games to Play! \$8.50 for 4 Cards!

Progressive within 51 Calls	Progressive within 52 Calls	Progressive within 53+ Calls
\$2,500	\$1,000	\$750

Special Door Prizes | Over \$2,500 in Total Payouts!
Double your prize with DOUBLE POWERBALL™

*Progressive within 50 calls, amount unless hit before 3/18/26. **Except on Progressive.

BINGO Games and Prizes

Game 1	Letter X	\$100
Game 2	Large Diamonds	\$100
Game 3	Lucky 7	\$150
Game 4	Letter H	\$200
30 Minute Break / Pick 5 Winners		
Game 5	+ or Cross	\$300
Game 6	Postage Stamps	\$400
Game 7	Letter T	\$500
Game 8	Full Card	\$1,000

Open daily 10am to 3am | J.E. Irausquin Blvd #47 | 288.9000 | casinoalhambra.com

Play Responsibly. Visit www.gamblersanonymous.org if you or someone you know has a gambling problem.

Corte Mericano ta anula despido masal na Voice of America

(AFP) - Hues federal a declara diasabra cu Presidente Donald Trump su decision di supervisa despidonan masal na Voice of America y otro media financia pa gobierno tabata ilegal, cual ta haci cu e despidonan ta invalido.

Kari Lake, un ex trahador di television, a keda contrata pa Trump pa ta hefe di US Agency for Global Media, parti di su administracion su esfuerso pa tuma accion contra loke e ta considera journalismo cu no ta amigable.

Pronto despues el a anuncia



recorte na trabao, incluyendo e despido di mas di 500 empleado di Voice of America, crea den bista di Guera Mundial 2 como un instrumento clave pa Merca su poder

mundialmente. Empleadanan a demanda Lake pa e despidonan, cual temporalmente a para september ultimo cu un evaluacion hudicial pendiente.

Den su decision, Hues di distrito Mericano Royce Lamberth a determina cu Lake su nombramento como un consehero pa e agencia a ser haci den “violacion di e clausula di nombramento y Federal Vacancies Reform Act.”

Como resultado, el a skirbi, “cualkier accion tuma pa Lake durante su tempo como CEO entre juli 31 y november 19 di 2025, incluyendo pero no limita na e reduccion di forsa laboral cu a tuma luga dia 9 di augustus, ta nulo.”

Agency for Global Media ta un agencia independiente cu

tin e tarea di promove democracia y contraresta propaganda den exterior via entidadnan manera VOA, Radio Free Europe, Radio Free Asia y Office of Cuba Broadcasting.

Trump frecuentemente ta ataca outletnan di media y a denuncia un ‘firewall’ editorial na VOA cu ta preveni gobierno di interveni den su cobertura.

Lake, un Republicano, no a mira exito den e careda pa bira Senador di Merca representando Arizona den 2024.

Dia Internacional di Hende Muhe ta trece marcha y conferencianan rond di Hulanda

(NLTimes) - Dia Internacional di Hende Muhe 2026 a keda marca rond di Hulanda diadomingo cu eventonan den ciudadnan for di Amsterdam te cu Den Haag na Groningen, Alkmaar y Rotterdam segun AT5.

E celebracionnan den henter e nacion ta enfoca riba derechonan di hende muhe, igualdad di genero y empoderamento di hende muhe, incluyendo marcha, conferencia, workshop y exhibicionnan.

Na Amsterdam, un marcha feminista a cuminsa 1or di atardi na Dam, unda un escenario a keda crea pa esnan cu lo papia durante e atardi. Manifestantenan lo cana banda di Rokin, Vijzelstraat y Weteringschans den direccion di Museumplein.

E marcha ta organisa a un coalicion di organisacionnan

feminista incluyendo ActionAid Nederland, Amnesty International NL, Atria, Bureau Clara Wichmann, Dolle Mina, FNV, Hivos, Imane Nadif, MamaCash, Oxfam Novib, PAX, Rajae Liesfi, Stem op een Vrouw, WO=MEN, y Women Inc. y a caba alrededor di 4or di atardi.

“E dia ta uno cu te ainda ta necesario,” Amnesty International ta bisa riba su website. “Te hasta na Hulanda, te ainda tin hopi pa logra. Aborto te ainda ta riba codigo penal, y tur aña decenas di hende homber ta asesina nan pareha of ex pareha. Nos no ta acepta esey.”

Na mesun tempo, un conferencia titula “Women Unite,” co-organisa pa alcalde Femke Halsema y director di Carre Madeleine van der Zwaan, ta organisa na Carre teater. For di 11:45 pa 5or di atardi, e conferencia a enfoca riba e desafionan cu hende muhe

ta enfrenta awendia mientras ta celebra tambe e logronan di hende muhe cu ta kibra barera. Ticketnan tabata sold out y e programa tabata primeramente den Ingles, cu un sesion den Hulandes y traducccion disponible pa otro segmentonan.

Rond di Hulanda, Dia Internacional di Hende Muhe su eventonan lo keda core durante comienso di Maart. E puntonan clave siendo Haage Vrouwendagen na Den Haag, Feminist Festival na Wageningen, HER Film Festival online y reunionnan local manera workshop, lezing y exhibicionnan na Groningen, Alkmaar, Tilburg, Rotterdam, Nijmegen, Leiden, Den Haag y Helmond.

Actividadnan ta core for di tour di arte y screening di peliculanan te lezing tocante hende muhe den politica y historia, dialogo di panel feminista y workshop inter-

activo pa adultonan hoben.

Dia Internacional di Hende Muhe tin su raiz den activismo di siglo 20, e edicion Hulandes di National Geographic a skirbi diadomingo. E prome observacion di e dia internacional aki a tuma luga dia 19 di maart den 1911, na Alemania, Austria, Dinamarca y Switzerland. Feminista Hlandes Aletta Jacobs a propone un dia anual pa hende muhe na Hulanda den 1901 pa enfatisa reformanan social y derechonan politico, aunke su proposicion inicialmente no a ricibi hopi follow-up.

Observacionnan despues a bini na Merca, cuminsando na New York den 1909, y na Europa, incluyendo Clara Zetkin su proposicion na un conferencia socialista di hende muhe na Copenhagen, Dinamarca den 1910, cual a yuda establece e dia globalmente. E fecha di dia 8 di maart a keda finalisa despues



di 1917 su manifestacionnan unda empleadonan femenino trahando na Petrograd, Rusia a manifesta, y formalmente a adopta esaki den 1921, un practica cu ta sigui te awendia.

Futbol femenino ta mira un avance grandi danki na Federacion Nacional COA ta felicita AVB cu lansamento di e Plan Strategico pa Futbol Femenino 2026 –2030

Diarason ultimo na Compleho Deportivo Guillermo P. Trinidad a tuma luga un encuentro importante unda cu e Federacion Nacional di futbol a lansa e Plan Strategico pa Futbol Femenino 2026 – 2030.

Como parti di nan Plan Strategico di Arubaaanse Voetbal Bond (AVB), a percura pa haci futbol femenino un di e pilarnan principal di e federacion, dedicando e atencion y action cu futbol femenino merece.

Futbol femenino a mira gran



avance den e utlimo añanan y awor lo mira mas desaroyo danki na e compromiso di AVB pa implementa un strategia di desaroyo y profe-

sionalisacion. Comité Olimpico Arubano (COA) ta sumamento contento y ta felicita AVB pa e inclusion di futbol femenino



dentro di na plan strategico. E desaroyo aki ta indica un bon maneho den cuadro di buena gobernansa, ademas di ta alinea cu e metanan di

“Gender Equality and Inclusion” cu ta un tema importante pa no solamente COA, pero si no pa e movcion Olimpico.

Fanaticonan a enfrenta otro riba veld despues cu Celtic a gana Rangers

(AFP) - Fanaticonan a enfrenta riba veld despues cu Celtic a logra victoria contra rivalnan Rangers na Scottish Cup cu a tuma luga na Ibrox diadomingo.

E pelea a surgi ora cu decenas di sostenedornan di Celtic bishitante a invadi e veld pa celebra e victoria. Esaki a causa cu centenare di Rangers su fanatico a sigui nan, kendenan a purba di ataca nan rivalnan di Old Firm tambe.

A tira misilnan y demas prome cu polis finalmente a logra forma un barera na e veld. Fanaticonan a sigui tira insulto na otro for di cada banda di e barera prome cu a logra restaura orden.

Lo pio di e anochi a bini den e prome Old Firm su derby pa casi henter un decada cu a mira un alocacion grandi di ticket pa fanaticonan cu no ta local. Despues di varios encuentro

cu bandido den reunionnan anterior entre rivalnan di Glasgow, sostenedornan a keda prohibi di ta presente den e weganan den 2023, prome cu a permiti nan regreso di manera reduci aña pasa.

E empate den Scottish Cup a ser mira como un caso di test pa e regreso di cantidadnan halto di fanaticonan bishitante, sinembargo e plan aki ta tiki probable di sigui despues di e encuentro na Ibrox.



Minister di Exterior Hulandes ta yama participacion di Rusia den Paralimpiada “incomprensible”

(NLTimes) - Gobierno Hulandes a condena Rusia y Bielorusia su participacion bao bandera nacional na Paralympic Winter Games di 2026 na Milan y Cortina d’Ampezzo, citando atakenan andando na Ucrania.

Hulanda no a manda oficialnan diabierna anochi pa su ceremonia di apertura na Verona; sinembargo, un delegacion lo ta presente den otro eventonan bao condicion cu nan por keda sin participa den eventonan oficial cu ta conta cu banderanan Ruso y Bieloruso, himno nacional of otro simbolonan.

Prome minister Rob Jetten y minister di Deporte Sterk ta den plan pa presenta na varios evento Paralimpico mas adelante den siman. “Ayer a anochi, Rusia a ehecuta mas atake riba infraestructura di



energia na Ucrania. E ta incomprensible con cu Rusia ta competiendo bao su bandera na Paralympic Games awe mientras e ta sigui cu e atakenan aki,” minister di Exte-

rior Tom Berendsen a skirbi riba X. “Rusia no lo kibra Ucrania. Nos ta keda sostene Ucrania,” el a agrega.

Minister di Deporte Mirjam

Sterk, anteriormente a detaya obhecionnan Hulandes den un carta cu a manda pa Tweede Kamer, bisando cu e participacion di atletanan Ruso y Bieloruso bao di nan

bandera ta “inaceptable y doloroso” mirando e guerra andando cu Rusia y Bielorusia su rol. El a nota cu na e Olimpiada di winter mas reciente, atletanan Ruso y Bieloruso a competi bao di un bandera neutral.

Federacion Olimpico Hulandes y deportivo, NOC*NSF, ta alinea cu e gobierno su posicion, anunciando anteriormente cu su oficialnan no lo particia den e ceremonia di apertura y ceremonianan di medaya cu ta involucra atletanan Ruso y Bieloruso, incluyendo skii, snowboard y eventonan cross-country.

Hulanda a yega un record nacional nobo na e Olimpiada di winter den 2026 na Milan-Cortina cabando den tercer luga den posicion di medaya cy 10 oro entre 20 medaya total, tur den patinahe di alta velocidad.

Aruba organisador di 'World Aquatics - Discover Water Country Leads Training'

Aruba Aquatics Federation tabata organisador di un exitoso 'World Aquatics - Discover Water Country Leads Training', cu a tuma lugar entre 20 cu 25 di februari 2026, na cual 22 participante di tur parti di e continente Mericano a atende. Durante e siman aki a enfoca riba e desaroyo di deportenan acuatico na nivel basico, e seguridad den awa y alfabetisacion fisico.



E programa 'Discover Water' ta un iniciativa global di World Aquatics diseña pa promove participacion den deporte acuatico y preveni hogamento, por medio di enfoca basa riba alfabetisacion fisico. Dirigi na muchanan entre 6 y 12 aña, e programa ta sostene educadornan y federacionnan nacional den desaroya confiansa, habilidadnan basico di movecion y comportamiento sigur den y rond di awa. E meta ta pa crea un base fuerte pa nos hendenan participa den deporte acuatico durante henter nan bida, y tambe pa fortalece

seguridad di nos comunidad den y rond di awa.

Durante e entrenamiento teni na Aruba, e participantenan a wordo prepara pa bira 'Country Leads', dunando nan hermentnan practico y strategianan pa introduci y implementa e programa 'Discover Water' den nan paisnan respectivo. E entrenamiento a enfatisa e impacto sostenibel na nivel di comunidad y tambe colaboracion regional. Tumando e rol di anfitrión pa e evento aki ta alineando directamente cu e vision strategico di Aruba Aquatics Federation, cual tin como enfoca e

desaroyo di hobennan y e participacion na nivel basico, como fundeshi pa trayectoria atletico na largo plaso y tambe crecimiento nacional den deporte acuatico. Pa Aruba — un isla rondona di awa — garantizando cu muchanan lo desaroya confianza den awa y habilidadnan di seguridad, no ta solamente un prioridad deportivo, sino tambe un habilidad vital pa bida. Fortalece alfabetisacion acuatico for di un edad jong ta contribui na forma un generacion saludabel y resiliente pa futuro.

Como parti di e programa,



50 mucha local a participa den un evento comunitario riba 24 di februari. E actividad tabata un combinacion di diversion, educacion y experiencianan interactivo promoviendo seguridad den awa, consenshi ambiental y balornan Olimpico manera respet, excelencia y amistad. E evento a refleha e mision mas amplio di 'Discover Water': haci deporte acuatico accesibel, sigur y sostenibel, mientras cu ta empodera hobennan den y rond di awa. E evento a clausura riba 25 di februari, cu 22 'Country

Leads' nobo regresando pa nan paisnan y cla pa expande e desaroyo di deporte acuatico na nivel basico den nan paisnan.

Como anfitrión di e iniciativa regional aki, Aruba a reforsa su compromiso cu cooperacion internacional, empoderamento di hobennan y e progreso di participacion acuatico sigur den nos region. Pa tur potret di e evento, bishita e blog riba www.arubaaquatics.org y e paginan di Facebook y Instagram di Aruba Aquatics Federation.

Russell ta gana Grand Prix di Australia; Verstappen ta subi for di puesto 20 pa 6

(NLTimes)—George Russell a gana Grand Prix di Australia pa Mercedes, mientras cu Max Verstappen a haci un remonta impresionante for di puesto 20 te di seis despues di un accidente den cualificacion na circuito Albert Park na Melbourne.

Verstappen, kende ta core pa Red Bull Racing, a logra pasa hopi auto durante careda y a termina na di seis lugar. Un quinto puesto tabata posible, pero e no a logra pasa e campeon mundial actual Lando Norris den e rondan final.

Russell a reclama victoria den e careda di apertura di temporada, cual a muestra cu e regulacionnan tecnico nobo ta realmente produci carelanan emocionante. Cu hopi maniobra di sobrepaso riba e pista, Russell a guia un resultado di Mercedes di prome y segundo lugar, cu su compañero di equipo Kimi Antonelli terminando segundo y Charles Leclerc tercero pa Ferrari.



Faborito local Oscar Piastri tabata e prome abandono importante despues di un accidente sorprendente prome cu e careda a cuminsa. E Australiano a dañá su McLaren durante e ronda di formacion, poniendo fin na su Grand Prix na cas prome cu e careda a cuminsa oficialmente.

E cuminsamento tabata electrico ora Leclerc a subi for di cuarto puesto te prome lugar, pasando Russell pa tuma liderazgo. E piloto di

Mercedes a reacciona rapidamente, recuperando e puesto den e segunda ronda.

Despues di esaki, e dos piloto a dreña den un bataya intenso, pasando otro repetidamente pa alegria di publico.

Verstappen, un di e criticadornan mas fuerte di e regulacionnan nobo, tampoco no tabatin problema pa pasa rivalnan. Den e rondanan inicial, el a usa e boton di boost pa genera velocidad extra, pasando pilotonan un pa un.



Despues di casi 12 ronda, e cuater biaha campeon mundial a subi for di puesto 20 te di siete lugar.

Verstappen a subi pa di seis lugara despues cu su compañero di equipo Isack Hadjar a laga e careda pa motibo di problema di motor. Aunke el a logra subi momentaneamente pa di cinco puesto durante e parada di pit, el a sali despues di su propio parada tras di Lando Norris. A pesar di su mihor esfuerzo, e no a logra acerca suficiente pa

purba pasa atrobe.

Russell a probecha di e duda di Ferrari tocante nan strategia di parada di pit. Despues cu el a logra pasa Ferrari di Lewis Hamilton cu un maniobra audaz mas o menos mita careda, el a logra crea distancia.

Russell despues a mira con su compañero di equipo Antonelli tambe a logra pasa ambos Ferrari pa asina logra segundo puesto pa Mercedes.

Anthropic ta priminti lucha legal den disputa cu Pentagono

(AFP) - Director ehecutivo di Anthropic, Dario Amodei, a declara cu e compania “no tin otro opcion” cu desafia den corte e designacion oficial di Pentagono cu ta clasifica e firma di inteligencia artificial como un riesgo pa seguridad nacional di Merca.

CEO a splica den un blog publica diahuebs cu, sin embargo, alcance practico di e decision ta mas limita cu inicialmente a sugeri, indicando cu designacion no lo tin un impacto catastrofico riba e compania.

Amodei a indica cu e Departamento di Guera — nomber preferi door di e administracion di presidente Donald Trump pa Departamento di Defensa — a confirma den un carta cu Anthropic y su productonan, incluyendo modelo di IA hopi usa Claude, a ser considera un riesgo den cadena di suministro.

Esaki ta prome biaha cu un compania Mericano ta ser publicamente designa cu tal etiket, cual generalmente ta reserva pa organisacionnan relaciona cu potencia adversario stranhero, manera Huawei.

Den su blog, Amodei a declara cu e compania ta disputando base legal di e decision, pero tambe a busca pa tranquilisa clientenan.

“E ta aplica claramente na solamente e uso di Claude door di clientenan como parti directo di contrato cu Departamento di Guera, no pa tur uso di Claude door di clientenan cu tin tal contrato,” el a skirbi.

E designacion ta rekeri proveedor y contratista di defensa certifica cu nan no ta usa e modelo di Anthropic den nan trabao cu Pentagono.

Pero Amodei a argumenta cu, segun legislacion relevante, intencion di e ley ta “proteha gobierno y no castiga proveedor”, y cu e Departamento di Defensa mester aplica “e medio menos restrictivo necesario”.

Microsoft, un di socionan mas grandi di Anthropic, a confirma e interpretacion aki, declarando na medio Mericano cu abogado di e compania a revisa e designacion y a conclui cu productonan di Anthropic, incluyendo Claude, por sigui ta disponible pa clientenan cu no ta traha pa e Depar-

tamento di Guera.

Disputa cu Pentagono

E conflicto a cuminsa despues cu Anthropic a provoca malestar cu hefe di Pentagono, Pete Hegseth, ora e compania a insisti cu su tecnologia no mester ser usa pa vigilancia masivo of sistema di arma completamente autonomo.

Washington a responde afirmando cu Pentagono ta opera den marco di ley y cu proveedor contractual no por dicta con nan productonan mester ser usa. Amodei tambe a usa su declaracion pa pidi disculpa pa un memo interno di compania cu a leak na prensa e siman aki, den cual el a bisa cu accion contra e compania tabata motiva politicamente.

“E motibo berdadero” cu e administracion di Trump “no ta gusta nos ta cu nos no a haci donacion na Trump (mientras OpenAI / Greg Brockman si a haci donacion significativo),” Amodei a declara, mencionando donacion di 25 milyon dollar.

Amodei posteriormente a describi e



memo como un “evaluacion antiguo di e situacion actual”, skirbi bao di presion fuerte durante un momento cu e compania tabata enfrente presion intenso di gobierno.

Inicialmente OpenAI a purba reemplaza Anthropic den contrato cu e ehercito Mericano, pero e movimiento a crea incomodidad entre algun personal senior di e compania. Despues, CEO di OpenAI, Sam Altman, a declara cu e acuerdo tabata “desordena” y cu e ta trahando pa revisa e areglo.

Inversion den inteligencia artificial ta impulsa crecimiento global di patente, segun UN

(AFP) - Cantidad di patente internacional registra aña pasa pa tecnologia di comunicacion digital y semiconductor a crece fuertemente, reflehando aumento di inversion den Inteligencia Artificial, segun United Nations a informa diabierna.

En general, solicitud di patente internacional a aumenta cu 0,7% na 2025 te un total di 275.900 registro mundial, segun informe anual di World Intellectual Property Organisation (WIPO), agencia di UN responsable pa patente y innovacion.

Economista principal di WIPO, Carsten Fink, a indica cu, a pesar di crecimiento general modesto, actividad di innovacion den tecnologia digital tabata fuerte.

Comunicacion digital — e categoria principal entre solicitud di patente internacional — a crece cu 6% aña pasa, mescos cu patente relaciona cu semiconductor.

Segun Fink, esaki tabata e tasa di crecimiento mas rapido entre e 10 campo tecnologico principal durante 2025.

“E patronchi aki ta muestra claramente e importancia continuo di tecnologia digital como motor di innovacion mundial,” el a declara durante un conferencia di prensa.

“E probablemente tambe ta refleha e aumento di inversion den inteligencia artificial, cu ta aumenta demanda pa infraestructura informatico avansa y chipnan.”

China ta amplia bentaha riba Merca

China a presenta e cantidad mayor di solicitud di patente internacional durante e aña cu a pasa, cu 73.718 aplicacion — un aumento di 5,3%. Merca a registra 52.617 solicitud, un caida di 3% y su cuarto aña consecutivo di disminucion.

Despues sigui Hapon cu 47.922 aplicacion, Corea di Sur cu 25.016 y Alemania cu 16.441.

Gigante tecnologico Chines Huawei a mantene su posicion como mayor solicitante di patente desde 2017 y a keda na prome lugar aña pasa tambe cu 7.523 aplicacion. Despues di Huawei ta sigui

Samsung di Corea di Sur cu 4.698 solicitud, Qualcomm di Merca cu 3.227 y LG Electronics cu 2.400.

Den total, 16 di e 20 mayor solicitantenan tabata den sector di tecnologia di informacion y comunicacion.

Director general di WIPO, Daren Tang, a declara den un informe:


“Solicitud di patente internacional — specialmente den comunicacion digital y tecnologia di semiconductor — ta muestra con tecnologia digital ta sigui impulsa e panorama global di innovacion.” “Inteligencia artificial ta e motor mas reciente di e crecimiento aki y lo transforma cada biaha mas con nos ta innova.”

Entre e 100 compania cu mas solicitud di patente, 32 ta di Hapon, 24 di China y 17 di Merca.

L'Oreal lider den marca registra

Cantidad total di solicitud pa marca comercial internacional a baha cu 1,5% te 64.150 na 2025.

Cantidad mayor di solicitud a bini for di Merca cu 10.997,



sigui pa Alemania (6.106), China (5.636), Francia (4.026) y Reino Uni (3.871). Entre companianan, gigante Frances di cosmetico L'Oreal a mantene prome lugar pa e di cinco aña consecutivo cu 274 solicitud.

Compania Mericano di producto di wega di placa Light and Wonder a subi te segundo lugar cu 105 solicitud. Pa proteccion internacional di disenyo industrial, solicitud a aumenta cu 9,4%, cubriendo 28.588 disenyo.

E categoria mas grandi tabata

ekipahe di grabacion y comunicacion.


China ta lidera tambe den varios di disenyo registra cu 5.911, sigui pa Alemania (4.530), Merca (3.882), Suisa (2.285) y Italia (2.015).

WIPO a indica cu aumento significativo tabata visible entre solicitantenan manera Huawei, Xiaomi, y compania tecnologico Mericano Apple. Companianan manera Procter & Gamble, Philips y Samsung Electronics a completa e lista di cinco solicitante principal.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Accidente cu hende herida despues di accidente na Tanki Leendert

Diahuebs anochi a drenta informe di un accidente dilanti Torino Sportsbar na Tanki Leendert, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur di un Hyundai a bay desvia na banda robes di e caminda pa evita impacto riba un auto cu a subi caminda sin duna preferencia y ora cu el a desvia a topa cu un Nissan Note di trafico contrario cu a dal den dje. Un rato despues



un otro auto un Kia Celtos a bin dal riba e Nissan Note. Debi na e impacto aki un persona den e Celtos a resulta herida. Na yegada di e ambulance nan a atende e victima.

Polis a detene e chauffeur di e Hyundai ya cu el a nenga haci e test di alcohol y bay cune na warda di polis pa ayanan haci e test.



Accidente unda un auto a bolter na Pos Chikito

Diahuebs anochi a drenta informe di un accidente cu hende herida na Pos Chikito, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu e chauffeur di e Honda Fit yegando e crusada "T" cu velocidad halto no a logra bira bon y a bay dal riba e auto contrario y a bolter. Debi na e impacto y bolter e chauffeur

di e Fit a resulta herida. Na yegada di e ambulance nan a

atend'e y transporta e victima pa hospital.



Bomberonan a bay Tarabana pa ex-Golden Gate na candela

Diahuebs mainta a drenta informe di un candela na ex- Golden Gate, mesora a dirigi tanto polis como unidadnan di bombero na e sitio.

Na yegada di e patruya a bin compronde cu aki ta trata

di un candela di poco yerba cu sushi dilanti e lugar cu ta na candela y ta garando e front di e lugar. Na yegada di bombero mesora a combati e candela aki y a logra domina y paga esaki mesora. En berdad e candela a gara un parti di e front pero nada di paden.



Turista bao influencia haya benta abao na Palm Beach

Diabierna madruga a drenta informe di cu tin un hende benta banda di un mata y cu ni por para riba su pianan na Palm Beach, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un turista cu riba e dia di su cumpleaños a opta pa celebra consumiendo alcohol for di tempran y a bebe asina hopi cu e no por a ni para riba su pianan mas.

Na yegada di e ambulance a topa cu e homber aki cu a intoxica su mes cu hopi alcohol. Ambulance a atend'e y a transport'e pa hospital.



A bin haya persona sin bida na Cura Cabay

Diasabra atardi despues di no a mira e persona pa algun dia a dicidi pa bay na su cas pa wak kico ta kico.

Na yegada di e persona a haya e porta na lock y tabata sinti un holor straño ta sali for di e cas y a yama polis y bombero. Na nan yegada a bin habri e porta y a bin haya e curpa sin bida di e adulto mayor di 71 aña. Mesora a solicita dokter Texier su presencia pa constata morto. Na famianan di e fayecido ta bay nos mas sincero palabranan di condolencia.



Polis y ambulance a bay pa un hoben di 13 aña cu corta na su rudia



Diabierna anochi a drenta informe di cu tin un hoben cu lo a corta su pia banda di Lagoen den Caya Ernesto Harms, mesora a dirigi tanto polis como ambulance na e sitio.

Na yegada di e patruya a compronde cu pasando banda di Lagoen e lo a herida su rudia

y a pidi pa ambulance bin atende mientras a yama un familiar pa bini ya cu ta trata aki di un menor. Na yegada di e ambulance nan a cuminsa atende e mucha mientras e familiar a yega.

Despues di a caba di atende cu e mucha ambulance a conseha e familiar pa bay cu e mucha hospital.

Accidente pa falta di preferencia na e crusada Middenweg cu Waterweg



Diabierna atardi a drenta informe di un accidente na e crusada Middenweg cu Waterweg, mesora a dirigi tanto polis como ambulance na e sitio.

Na yegada di e ambulance a bin compronde cu ningun hende a resulta herida y a sigui nan rumbo. Na yegada di e patruya a bin compronde

cu e Honda biniendo den Middenweg no a duna preferencia na e Kia Picanto bayendo zuid preferencia y a dal e chauffeur den e Picanto.

Na prome instante a kere cu e chauffeur den e Picanto ta herida pero esey no tabata e caso aunke e impacto tabata net na su banda.

Lamentabel: E di 4 accidente fatal den trafico

Diaranson anochi 4 maart 2026 pa 10:54 di anochi Central di Polis ta wordo notifica di un accident cu a tuma lugar riba caminda di Seroe Tijshi. Un auto lo mester a bolter y na unda e chauffeur a keda herida.

Ta despacha patruya di polis, ambulance tambe especialista di trafico.

Na e sitio di e sucedido en berdad ta topa cu un auto Di-hatsu Boon color silver y un chauffeur femenino herida.

Prome informe ta indica cu e chauffeur lo a bay pasa auto y na un dado momento e lo a perde control.

Ambulance a yega na e sitio, estabilisa e chauffeur y a transporte pa hospital pa cuido medico avansa.

Mientras cu especialista di trafico a tuma e caso y a sigui cu nan investigacion pa asina saca afor kico lo por a pasa.

Awe diasabra den oranan di merdia polis ta wordo noti-

fica door di personal di hospital cu e chauffeur femenino a fayece.

Pa 1'or di awe tardi dokter ta constata morto di Gilliane Russiane Albert naci na Aruba 19 mei 1998 (27 aña).

Lamentablemente e ta bira di 4 morto den trafico pa 2026.

Cuerpo Policial Aruba y Bon Dia Aruba ta manda palabra di condolencia y forsa na famia di e fayecido den e momento dificil aki.



UN ARUBA
LIMPI TA
HOPI
MAS
DUSHI!

.....

BON DIA
ARUBA

**Cas Di Cultura**Vondellaan 2 Aruba
297-582-1010**F A D A**Campanastraat 5 Aruba
297-583-2999
297-583-9610**F A V I**Primavera 233 Aruba
297-582-5051
297-582-5222**F E P O**Engelandstraat 15 Aruba
297-583-1016
297-583-6607**Fundacion Contra
Violencia Relacional**
Tel: 583-5400**Fundacion Autismo
Aruba**Irenestraat 21 Aruba
297-588-1179**Fundacion Pa Nos
Muchanan**Cumana 2 Aruba
297-583-4247**Fundacion Tel Pa
Hubentud**Wilhelminastraat 19
Aruba
297-588-6138**Koningin Wilhelmina
Fonds**Spinozastraat 9 Aruba
297-582-0412**Mary Joan Foundation**

Sabana Blanco 8 Aruba

297-588-9999

Rode Kruis ArubaPedro Gallegostraat 14
Tel. 297-582-2219

Fax 588-3376

Famia Planea (SBVO)Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com**Stichting Fundacion
Guia Mi**George Madurostraat 34
297-582-0088**Y M C A**Calbasstraat 1 Aruba
297-582-3072**AL-ANON group**Sabana Liber #8, Noord
(close to the hotels)
Tel: 736-2952 or
593-7081**Dokter na warda****Oranjestad San Nicolas**
Hospital Imsan
7:00 pm / 10:00 pm 24 ora**Botica na warda****Oranjestad: San Nicolas:**
Dakota : Centro Medico:
Tel. 588 7364 Tel. 584 5794**EMERGENCIA 911****POLIS****Oranjestad 100**
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219**BOTICA****Aloe 584-4606**
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560**UTILIDAD****Setar 117**
Web 525-4600
Elmar 523-7147**FUNERARIA****Aurora 588-6699**
Royal Funeral H. 586-4444
Ad Patres 584-2299
Olive Tree 584-8888**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services ArubaTel: 587-8850
Tel: 280-2828
Whatsapp: 592-7024

Sony ta enfrenta demanda di \$2.7 biyon for di usarionan Britanico di Playstation



(AFP) - Gigante di entretenimento Sony lo enfrenta un demanda di \$2.7 biyon cuminsando diamars na Londres, acusa di supuestamente viola leynan di competencia pa medio di cobra miyones dimas na usarionan Britanico di PlayStation.

E acusantenan su website ta acusa Sony di "explota su clientenan na Reino Uni" pa casi un decada pa medio di cobra nan "demasiado pa weganan digital riba PlayStation y contenido dentro di e wega."

"E caso aki ta busca trece un fin na e conducta aki y garantiza compensacion pa esnan afecta," defensor di consumidor Alex Neill, ken ta lidera e accion di parti di alrededor di 12.2 miyon usuario a comenta na AFP.

PlayStation Store ta e plataforma digital oficial unda e 'gamers' nan por cumpra clasiconan di Sony manera "Gran Turismo" y "God

of War" ademas di titulonnan manera "Call of Duty", "GTA" y "Assasin's Creed" for di otro studionan.

"Sony tin practicamente un monopolio riba e benta di weganan digital" pa su PlayStation, cual ta permiti e compania dicta e prijs y cobra un comision di benta di 30% na e publicistanan di e video-game, segun e victimanan ta acusa.

Segun nan ta bisa, e plataforma di distribucion - cual ta enfrenta competencia grandi - ta cobra un comision mas abao di 12 pa 20%.

"Weganan awo ta diseña pa incentiva e hungadornan gasta mas placa cu ta posible (incluyendo muchanan)," e website ta acusa, incluyendo pa hungadornan "progres, desblokia mas funcion of personalisa nan experiencia cu un personahe nobo of armanan."

Sony su prijsnan ta "fuera di proporcion na e costo di

Sony den provee e servicio na e su clientenan," nan a splica.

E huicio lo cuminsa na Competition Appeal Tribunal na Londres y ta anticipa di dura por alrededor di 10 siman.

E demanda lansa den 2022 ta buscando £1.97 biyon den daño, cual lo comparti entre cualkier persona cu a cumpra wega digital of contenido extra via PlayStation store entre e decada cu ta termina den februari di 2026, cu algun excepcion limita.

Bao ley di Reino Uni, tur esnan potencialmente afecta ta inclui den e tipo di accion aki automaticamente, y por beneficia di posible compensacion, al menos cu nan boluntariamente dicidi di no haci esaki.

Sony no a responde inmediatamente na AFP su peticion pa comentario, pero den su defensa a argumenta cu su model di distribucion ta hustifica.

Aña pasa, Apple a perde un demanda na Londres pa abusa di su posicion dominante y di cobra demasiado comision den su aplicacion App Store.

E gigante di tecnologia Mericano, cual a bisa cu e tin intencion di apela e decision, por ta responsable y lo mester reembolsa miyones di usuario.

Pronostico di tempo

Tempo:

Awe tardi y awe nochi: parcialmente nubla y generalmente seco

Den marduga y mañan: parcialmente nubla cu un awasero pasahero

Temperatura maximo 32 grado celsius

Temperatura minimo 26 grado celsius

Indice di calor (heat index) den y rond di oranan di merdia: 33 pa 37 grado celsius
UV index: 12Bahada di solo : 6:49 pm
Subida di solo : 6:55 am**Biento:**

Modera te basta fuerte for di direccionnan generalmente oost;

Forsa 4 te 5 (20 te 39 km/ora, 11 te 21 nudo).

Durante di dia fuerte te duro den rafaga;

Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:

E area vigoroso di presion halto riba Atlantico lo produci un biento fuerte te duro den rafaga.

Humedad modera den e partinan mas abou di atmosfera y transporta cu e biento pa region

local, lo por duna algun awasero hopi breve. Esaki principalmente den oranan di marduga y mainta. Sinembargo, no ta spera yobida di importancia.

Condicionnan maritimo/estado di lama:

Na partinan protegi di costa: Keto cu olanan rond di 1 pia. Na partinan zuid protegi: trankil, 1 te 2 pia.

Na partinan zuid no protegi: trankil te modera cu olanan



di 2 te 3 pia.

Na partinan oost te noordwest di costa: Modera te localmente poco bruto cu olanan alrededor di 4 pa 7, localmente e por yega 8 pia.

Aviso/alerta:

Operadornan di boto chikito mester bay cu cautela na partinan oost te noordwest di costa.

Usuarionan di lama y landadonan tambe mester bay cu cautela na partinan expone na zuid, zuidwest y noordwest.


Aurora

Royal Pray

Funeral Home & Crematory

Hesus a bise: “Ami ta
resurreccion y bida esun cu
kere den mi lo biba asta si
e muri.”

Nos ta anuncia
fayecimento di:



Soljeri Rafaleanne Ridderstapt

Cariñosamente yama: “Sol”
★17-08-1991 - †03-03-2026

Na nomber di su:

Mama: Cristina Ridderstapt

Tata: Rafael Jose Quijada

Manera tata: Luigi Valentino Rincones

Manera mama: Osayra (Chaya) Romero

Casa: Ivan Dario Almanzo Redondo

Rumannan:

Jenifer y Lloyd Wirht y yiunan
Luenda Ridderstapt y yiunan
Tayennie y Abigaile Vanegas

Wela: †Dolores Ridderstapt

Welo: †Rufo Tromp

Tanta y omonan:

Elvin Ridderstapt
Sabina Ridderstapt y yiunan
Rufina Ridderstapt y yiunan
Tamara y Marlon Istatia y yiunan
†Roxino Ridderstapt
Rufo Agustin y Bellanely Ridderstapt y famia

Bon amigo: Dennis Webb

Miho amigo(a):

Gerrard (Nino) Geerman, Jasmin Podirono, Gerswin
Dania, Anathalia Thode y Giovanni Zuleta Rave y
demas amistad y conocirna y bisiaña.

Demas famia:

Istatia, Ridderstapt, Hernandez, Pinedo, Gomez,
Reeberg, Werleman, Ras, Tromp, Greaux, Quintero,
Rincones, Quandt, Lesandrina, Odor, Sivenger,
Vrolijk, Meija, Geerman, Monart, Zivenegr,
Kuiperdal, Zuleta Rave, Franken, Romero, Lopez,
Arends, Le Grand, Leolina, Askarzada, Orman,
Olivier, Webb, Soliana, Maduro, Oliveros, Palm,
Jacobs y demas famia na Hulanda, Corsow,
Colombia, Merca

Nos disculpa si pa motibo di nos tristeza por a lubida
algun famia.

Condolencia lo tuma lugar dialuna 9 maart di 7:00 pa
9:00 pm na Aurora Funeral Home

Acto di entierio lo tuma lugar diamars 10 di maart 2:00
pa 4:00 pm na Aurora Funeral Home, despues lo Sali
pa Santana central na Sabana Basora.

Deseo di defunto ta pa bisti na colornan colorido y
alegre.

Nos ta lamenta cu despues di entierio nos no por
ricibi bishita na cas.

Aurora

Royal Pray

Funeral Home & Crematory

God will open doors for you.
And we know that in all things God works for
the good of those who love Him.
Romans 8:28

Cu inmenso dolor na nos curason, pero conforme cu
Dios su boluntad, nos ta anuncia fayecimento di nos
estimado esposo, ruman, omo y amigo



Herbert Winfield Croes

Mihor conoci como: “Boei”
★16-10-1956 - †06-03-2026

Acto di entierio lo wordo anuncia despues.

Aurora

Royal Pray

Funeral Home & Crematory

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa tranquil,
pa mi bolbe haña forsa”.
Salmo: 23

Cu dolor na nos curason, nos ta anuncia
fayecimento di nos ser stima:



Crispina Crismiana Carranza-Willems

Mihor conoci como “Pina”
★25-10-1943 - †05-03-2026

Acto di entierio lo wordo anuncia despues.

Trump ta ofrece lidernan Latino Americano atake cu misil Mericano contra cartelnan di droga

(AFP) – Presidente Mericano, Donald Trump diasabra a urgi nacionnan Latino Americano pa usa poder militar contra e “cancer” di cartelnan di droga, ofreciendo pa sostene nan cu atake di misil Mericano contra caponan narco.

Trump, actualmente den guerra contra Iran, a presenta un posicion muscular pa avansa e interesnan di Washington den hemisferio Occidental, pronunciando cu Cuba, lidera pa comunismo, ta “den su ultimo momentonan di bida.”

E tambe a boga pa accion pisa di aliadonan contra crimen organisa plagando e region. Formalmente el a lansa un coalicion “contra-cartel” di 17 nacion cu Cas Blanco a describi como un promesa di gobiernonan pa usa “poder duro” contra menasanan di seguridad.

“Nos ta trahando cu boso pa haci kico cu nos mester haci. Nos ta bay usa misil. Bo kier nos usa un misil? Nan ta extremadamente preciso,” Trump a bisa un decena di lider derechista for di Latino America y Caribe na su club di golf Doral cerca di miami.

Trump ya a demostra su forsa na Latino America cu caida di lider autoritario di Venezuela, Nicolas Maduro y trahado cu su reemplazo, Delcy Rodriguez, pa tuma reservanan di petroleo Venezolano pa Merca.

Entre e lidernan presente na e cumbre “Shield of the Americas” tabata presidente Argentino, Javier Milei; Daniel Noboa di Ecuador; y presidente Salvadoreño, Nayib Bukele, kende a aresta diesmiles di persona den un accion contra gang.

Tur tres lider a post potret di nan mes para banda di Trump riba rednan social.

Noboa a skirbi den Spaño: “Pa demasiado largo, crimen organisa a kere cu America ta su territorio. Cu nan por crusa frontera, move droga, arma y violencia sin consecuencia. E tempo ey a caba pa nan.”

Pero presidente Cubano, Miguel Diaz-Canel a post riba X cu e reunion “neocolonial” di lider derechista “ta compromete nan na acepta e uso letal di forsa militar Mericano pa resolve problema interno.”

Trump a urgi lidernan regional pa usa forsa militar pa caba cu organisacionnan criminal, cu el a compara na cancer, bisando “nos no kier pa e plama.”

Trump tambe a reforsa su advertencianan recien pa Cuba, cual el a implica por ta e “siguiente” despues di caida di lidernan na Venezuela y Iran. “Mi ta bay encarga di Cuba,” Trump a bisa e lidernan. “Nan no tin placa, nan no tin petroleo. Nan tin un filosofia malo, nan tin un regimen malo cu ta malo pa hopi tempo,” el a bisa, agregando cu “Cuba ta den su ultimo momentonan di bida.”

E advertencia ta yega un siman despues cu Trump, cu Israel, a lansa atakenan devastador contra Iran, generando un conflicto regional cu a sacudi areanan usualmente pacifico di Golfo.

Tambe siman pasa, Merca y Ecuador a anuncia operacionnan conhunto pa combati traficacion di droga y diabierna a publica un video di un cas explotando den un area di selva na Ecuador, yamando e un golpi exitoso contra “narcoteroristanan.”

Atake di colononan Israeli na West Bank ta mata tres Palestino

(AFP)—Autoridadnan Palestino y ehército Israeli a bisa diadomingo cu tres Palestino a ser mata durante un atake di colononan Israeli na West Bank ocupa, aumentando e cifra di morto pa cuater den incidentenan asina den dos dia.

Periodistanan di AFP a presencia entieronan di e cuater hombernan, unda famianan a yora mientras cu otronan a carga e curpanan y a canta slogan.

E serie di mortonan ta e ultimo dramamento di sanger como resultado di violencia cu a aumenta fuertemente na West Bank desde e comienso di guerra na Gaza na october 2023.

Ministerio di Salud Palestino a bisa diadomingo cu colononan Israeli a tira y mata Thaer Faruq Hamayel, di 24 año, y Farea Jawdat Hamayel, di 57 año, den pueblo di Abu Falah, noordoost di Ramallah.

E ministerio no a bisa ki ora e incidente a tuma lugar ni a duna mas detaye.

Doliente Hamid Khattab a bisa AFP cu colononan Israeli “tabata los tiro cu pistol



na comienso, despues nan a ricibi arma automatico.”

Den un publicacion riba X, vice-presidente Palestino Hussein al-Sheikh a condena e “atake brutal riba ciudadanonan inocente,” bisando cu tres persona a muri y siete otro a keda herida.

Ehército Israeli a bisa cu a manda forsan pa e area di Abu Falah “despues di un reportahe cu Palestinonan a ser ataca pa civilnan Israeli cerca di casnan.”

“Mas despues a reporta cu dos Palestino a muri como resultado di e tironan. Ademá, a reporta cu otro Palestino a muri pa falta di aire,” e ehército a bisa den un declaracion.

“Esaki ta un incidente inaceptable,” mayor general Avi Bluth, hefe di ehército Israeli na West Bank, a ser cita bisando.

“No lo tin tolerancia pa civilnan cu ta tuma ley den nan

mesun man. E accionnan aki ta peligroso, nan no ta representa e pueblo Hudiu ni Estado di Israel,” el a agrega.

Diasabra, e ministerio di Salud cu sede na Ramallah y un alcalde local a bisa cu colononan Israeli a tira y mata un homber Palestino y a herida su ruman den un atake den otro pueblo na West Bank, Wadi al-Rakhim.

Mohammad Rabai, cabes di e consejo di pueblo Tuwani, a bisa AFP cu colononan a

drenta casnan den e area y a ataca famia di Amir Mohammad Shnaran, di 27 año, kende despues a muri.

E ehército Israeli a bisa cu a manda soldad y polis pa e sitio despues di reportahenan di un “confrontacion violento” entre Israeli y Palestinonan.

Nan a bisa cu informacion inicial ta indica cu un soldad di reserva a habri candela, y un investigacion ta andando.

Violencia na West Bank, cual Israel ta ocupa desde 1967, a aumenta considerablemente desde cu e atake di Hamas riba Israel a provoca guerra na Gaza. Violencia a continua a pesar di e alto-al-fuego.

Soldadnan Israeli of colononan a mata por lo menos 1.043 Palestino, hopi di nan militante pero tambe decenas di civil, na West Bank desde comienso di e guerra na Gaza, segun un conteo di AFP basa riba cifranan di ministerio di Salud Palestino.

Por lo menos 45 Israeli, incluyendo soldad y civil, a muri den atakenan Palestino of durante operacionnan militar Israeli, segun cifranan oficial Israeli.

Buskeda nobo pa vuelo MH370 ta caba sin pista na e misterio di 12 año

(AFP)—E buskeda mas recien pa vuelo MH370 di Malaysia Airlines, cual a disparce 12 año pasa den un di e misterionan mas grandi di aviacion, a conclui na januari sin haya pista, segun e ministerio di Transporta di Malaysia a bisa diadomingo.

E Boeing 777 cargando 239 hende a disparce for di radar dia 8 di maart 2014, mientras e tabata bulando di Kuala Lumpur pa Beijing. Dos tercera parti di e pasaheronan tabata Chines, mientras e otro parti tabata inclui Malayonan, Indonesnan y Australionan, como tambe ciudadanonan Indio, Mericano,

Hulandes y Frances.

A pesar di conduci varios buskeda, incluyendo esun mas grandi den historia di aviacion, no a haya ni e avion, pasahero of e black box. E buskeda mas recien, cual a cuminsa na december, a rista un area di casi 15.000 kilometer cuadra pero esfuersonan

“no a duna ningun resultado cu ta confirma e sitio di e nave,” e ministerio di Transporte a bisa den un declaracion.

Compania di exploracion Ocean Infinity, basa na Gran Bretaña y Merca, a lidera e buskeda cual a conclui dia 23 di januari. Famianan di e pasaheronan Chines a publica un carta habri diadomingo—e di 12 aniversario di e desaparicion di e avion—criticando e falta di informacion cu nan a ricibi durante e buskeda aki

“Nos ta compronde e reto di e buskeda,” e parientenan a bisa den un carta habri pa prome minister Malayo Anwar Ibrahim, den cual nan a gradicie pa e iniciativa.

“Sinembargo, desde 15 di januari e año aki, famianan no a ricibi ningun informacion mas.”

“Durante e ultimo dos luna, nos a tuma contacto repetidamente cu e ministerio di

Transporte di Malaysia via ambos Malaysia Airlines y gobierno Chines, pero no a ricibi respuesta,” nan a bisa.

Den un intento pa localisa e avion, Ocean Infinity a desplega drone autonomo bao awa capaz di bay 6.000 kilometer profundo. E compania a conduci buskedanan fracasado na 2018, como tambe Australia pa tres año te januari 2027.

Den nan carta, famianan Chines a agrega cu “pa 12 año, nos a ricibi casi ningun sosten psicologico.”

“Nos no ta puntra mucho: djis pa ta mira, tendi y trata como individuonan cu emocion y dignidad.”

E famianan ta anticipa di ser ricibi pa e ministerio di Asunto Exterior Chines di aluna, manera tur año, prome cu bishita e embahada Malayo na Beijing pa entrega e carta pa Anwar.



Macron ta bishita Cyprus mientras Francia ta desplega barco di guerra den Mediterraneo

(AFP) – Presidente Emmanuel Macron ta bay bishita Cyprus awe dialuna, su oficina a bisa, mientras Francia ta desplega barco di guerra den Mediterraneo despues di un atake cu drone contra e isla miembro di EU algun dia atras.

Macron ta bay reuni cu su contraparti Cipriota, Nikos Christodoulides y prome minister Griego, Kyriakos Mitsotakis na Paphos pa muestra “solidaridad” y detaya movidanan pa “reforsa seguridad rond di Cyprus y den Mediterraneo Oriental,” e Elysee a bisa ayera.

E bishita ta bay tuma lugar mientras e guerra di Merca y Israel contra Iran ta drenta su di dos siman, afectando gran parti di Medio Oriente.

Cyprus dialuna a bira victima di drone traha pa Iran, loke



a pone Macron duna ordo na carrier di avion Frances, Charles de Gaulle, pa bay Mediterraneo, y unidatnan di fragata y defensa aereo na Cyprus.

“E biahe aki ta destina pa demostra e solidaridad di Francia cu Cyprus, un estado miembro di Union Europeo cu cual nos tin un partnership strategico” y cu recientemente a bira victima “di varios atake cu drone y misil,” e Elysee a bisa.

Francia a insisti cu su posicion den e region ta “estrictamente defensivo.”

E bishita na Cyprus tambe ta bay permiti Macron “enfatisa e importancia di garantisa e libertad di nabegacion y seguridad maritimo den Lama Cora y Estrecho di Hormuz, en particular a traves di e operacion maritimo Aspides di Union Europeo,” a agrega.

Cantidad di atake a dal bar-

conan nabegando e Estrecho di Hormuz, un “bottleneck” den Golfo, desde cu e guerra Merca-Israel contra Iran a cuminsa dia 28 di februari.

Vocero di gobierno Cipriota, Konstantinos Letymbiotis, a bisa cu e bishita lo permiti e lidernan di Cyprus, Grecia y Francia evalua e “nivel halto di coordinacion” entre nan nacionnan.

Letymbiotis tambe a resalta e rol di Italia, cu igual cu Reino Uni, a desplega un barco di guerra na Cyprus.

Diadomingo, Macron a skirbi riba X cu e tambe a papia cu emir Qatari, sheikh Tamim bin Hamad Al Thani, y presidentenan di Egipto y Azerbaijan.

Discutiendo e region cu e gobernante Qatari, Macron a bisa cu el a resalta e “sosten militar defensivo” di Francia, particularmente den aire,

cual el a nota ta desplega pa “beneficio di Qatar.”

“Qatar y Francia ta comparti e mesun conviccion: mas aleu cu e clamor di arma, estabilidad duradero pa tur mes- ter yega mediante desescalacion y negociacion,” Macron a agrega.

Macron tambe a bisa cu el a ofrece “sosten y solidaridad” di Francia na presidente di Azerbaijan, Ilham Aliyev despues cu un atake cu drone contra e pais, bisiña di Iran, a genera miedo cu e guerra den Medio Oriente por plama den Caucasus.

Cu presidente Egipcio, Abdel Fattah al-Sissi, el a discuti “e importancia di sigura lo mas pronto posible e transporte maritimo den Lama Cora,” incluyendo pa recurso di energia, Macron a bisa riba X.

Polis di New York ta investiga homber pa tira “aparato cendi” cerca di protesta anti-musulman

(AFP) – Polis contra-terrorismo di New York, Merca, a bisa cu nan tabata investigando den weekend, despues cu un homber a tira “aparatonan cendi” cerca di manifestantenan protestando pafu di cas di e alcalde.

Comisionado di NYPD, Jessica Tisch a bisa cu a aparatonan tabata inclui moer, bout y schroef como tambe un fuse – pero no tabata cla ainda si nan tabata aparato explosivo funcional of imitacion falso.

FBI na New York a bisa den un post riba X cu su Joint Terrorism Task Force tabata “investigando activamente” hunto cu polis di ciudad di

New York.

Influencer di derecha, Jake Lang tabata manifestando contra presunto “islamificacion” y a haci un yamado pa pone fin na “resamento musulman publico” na New York dilanti Gracie Mansion, residencia di alcalde Zohran Mamdani, kende ta musulman.

Su protesta a tabata inclui como 20 persona, segun polis, mientras contra-protesta tabata alrededor di 125 persona.


Un homber bistiendo un sweatshirt color scur y cargo pants a ricibi un aparato lora den tape y sacando huma door di otro activista. El a tir’e cerca di un linea di polis prome cu bula un barera.

E homber tambe a tira un aparato similar cerca di e grupo di manifestante di Lang.

“Testigonan a reporta mira candela y huma mientras el a biah den aire prome cu el a dal un barera algun meter leu di polis,” Tisch a bisa durante un sesion di informacion, nombrando e sospechoso como Amir Balat, 18.

“Sr. Balat despues... a ricibi un di dos aparato for di un homber.

“Sr. Balat ta cende e apar-



to y ta cuminsa core cune. Despues e ta lag’e cay.”

Momentonan despues, e y e otro homber a keda deteni pa polis, cu tabata desplega na e protesta.

“Team di bom a responde y ... basa riba un examenacion preliminar y imagen di X-ray, e aparatonan cu tabata un tiki mas chikito cu un bala di futbol tabata parce di ta un boter lora den tape preto – impor-

tantemente cu moer, bout y schroef y un fuse di hobby cu por a cende,” Tisch a agrega. “Nos no sa ainda si nan tabata contene material energetico (explosivo).”

E homber, aparentemente un contra-manifestante opuesto na Lang, a grita “Allahu akbar”, un periodista di AFP na e escena a scucha.

Tabatin algun enfrentamento, aparentemente entre

manifestante y contra-manifestante.

Polis a aresta seis persona, Tisch a bisa, incluyendo un persona den grupo di Lang cu a usa pepper spray contra contra-manifestante, e dos homber cu a tira e aparatonan, y tres otro pa conducta desordena pa y obstrui trafico.

Tisch a bisa cu e no ta kere cu alcalde Mamdani tabata na cas.



Iran tin un lider supremo nobo *Su nomber ta keda secreto*

(Infobae) - Iran tabata preparando diaranson pa revela ken lo bira su lider supremo nobo, despues di bombardeonan di Merca y Israel cu a destrui deposito di combustible y causa candela cu a cubri gran parti di Teheran cu un capa denso di huma.

E organismo religioso encarga pa kies e sucesor di Ali Khamenei — kende a muri poco mas cu un siman pasa durante e atakenan cu a cuminsa e guerra den Medio Oriente — a confirma cu a tuma un decision, pero e nomber di e lider nobo ainda no a ser anuncia oficialmente.

“A haci votacion pa nombra e lider y e persona a ser scogi,” Ahmad Alamolhoda a declara, miembro di Assembly of Experts, segun agencia di noticia Mehr. Alamolhoda a bisa cu secretariado di e asamblea lo anuncia e nomber posteriormente. Otro miembro di e cuerpo tambe a confirma cu a tuma un decision, y un di nan a sugeri cu Mojtaba Khamenei, yiu di e lider anterior, por asumi e cargo.

Entretanto, Israel a emiti un advertencia fuerte indicando cu su forsanan militar no lo duda pa ataca e lider nobo



of miembro di e Assembly of Experts cu a reuni pa confirma su eleccion. E alcance di e ofensiva a keda cla cu dos operacion militar durante anochi: Atakenan contra deposito di combustible den y rond di Teheran, y un atake contra un hotel den centro di Beirut cu tabata dirigi contra comandantenan Irani sospechoso.

Mientras e guerra a drenta su di nuebe dia, e Islamic Revolutionary Guard Corps a afirma cu Iran tin suficiente re-

curso pa continua su ofensiva aereo cu drone y misil den Medio Oriente pa un periodo di te seis luna.

Misilnan avansa

Presidente di Merca, Donald Trump, a bisa atrobe cu e no ta descarta desplega tropa na Iran, pero el a sostene cu e guerra ta casi gana a pesar di continuo atake cu misil y drone Irani.

E vocero di e Guardia Revolucionario, Ali Mohammad

Naini, a declara cu te awor Iran a usa solamente misil di prome y di dos generacion, pero den diano binidero lo emplea “misil di alcance largo mas avansa y menos usa”. Saudi Arabia a intercepta un ola di drone dirigi pa obhetivonan manera barionan diplomatico di Riad; Kuwait a reporta un atake contra tanki di combustible na su aeropuerto internacional; y Baréin a informa cu un planta di desalinacion a ser dañá.

Jetnan di combate a ataca cin-

co instalacion petrolero den y rond di Teheran durante atakenan nocturno, causando e morto di cuatro persona, segun director general di distribucion nacional di producto petrolero di Iran.

Gobernador di Teheran a declara na agencia di noticia IRNA cu distribucion di combustible a ser “interumpi temporalmente” mientras reparacion tabata den curso.

Un nubia scur a cubri e ciudad y holo di candela a keda presente den aire.

Ministerio di Salud di Iran a reporta diaranson cu por lo menos 1.200 ciudadano civil a muri y casi 10.000 persona a resulta herida, cifranan cu no a ser confirma independientemente.

Mientras tanto, e ministerio di Salud di Libanon a informa cu por lo menos 294 persona a muri durante atakenan aereo Israeli den e ultimo siman, un situacion cu a move prome minister Nawaf Salam pa adverti tocante un posible “catastrofe humanitario”.

Entretanto, presidente Trump a presenta e retorno di curpanan di seis soldad Mericano cu a muri den un atake cu drone contra un base militar di Merca na Kuwait siman pasa.

Expertonan Ucraniense lo bay Medio Oriente pa comparti conocimiento riba combate contra drone Irani

(Infobae) - **Presidente di Ucrania, Volodymyr Zelensky, a anuncia cu expertonan militar Ucraniense lo biaha e siman cu ta bin pa Medio Oriente pa comparti nan conocimiento riba con ta combati drone fabrica na Iran.**

Durante un conferencia di prensa, Zelensky a declara: “Mi ta kere cu e siman cu ta bin, ora e expertonan ta eynan, nan lo analisa e situacion y duna ayudo”. Presidente a describi e iniciativa como “un oportunidad pa ambos partido”, refiriendo na cooperacion entre Ucrania y paisnan den e region.

Presencia di e specialistanan ta responde na un peticion directo di Merca y tambe di paisnan di Medio Oriente. Durante un reunion cu prome minister di Hulanda durante su bishita oficial na

Kyiv, Zelensky a declara cu “Ucrania a cuminsa contribui caba na stabilisacion”.

El a agrega cu aliadonan a usa experiencia Ucraniense y cu su pais lo provee medio y conocimiento militar necesario pa defensa contra drone tipo “Shahed”.

E intercambio no ta un sin

meta. Ucrania ta spera di ricibi misil pa su sistema di defensa aereo Patriot fabrica na Merca, cu ta considera esencial pa contraresta atakenan cu misil di Rusia.

Desde e invasion Ruso na februari 2022, Ucrania a enfrente un aumento significativo den uso di drone y misil, convirtiendo experiencia di

defensa aereo di e pais den un recurso valioso pa otro actor internacional.

Segun palabranan di Zelensky, ehempel di cooperacion entre Merca, paisnan Arabe y Ucrania mester sirbi como incentivo pa Europa y otro aliado tuma medidanan concreto pa seguridad comun.

El a enfatisa cu, manera Medio Oriente, Europa mester fortalece su sistema di defensa y cu “Ucrania tin mas experiencia den e tereno aki, cu e nivel di conocimiento mas haltu y produccion mas eficiente”.

Desde 2022, e relacion entre Rusia y Iran a evoluciona for di un cooperacion tactico pa un alianza strategico integral, formalisa na comienso di 2025.

Iran a bira e proveedor ex-

terno principal di tecnologia militar critico pa Moscu, suministrando municion, drone y — segun reportanenan reciente — ayudo den misil balistico.

Na cambio, Rusia a transferi tecnologia di defensa avansa, incluyendo sistemanan anti-aereo y avion di combate Sukhoi Su-35, ademas di provee inteligencia satelital y sosten militar den tempo real tocante activo militar di Merca y Israel.

Uso di drone Irani tipo Shahed contra Ucrania — conoci tambe como Geran-2 na Rusia — a representa un di e cambionan mas notable den dinamica di e guerra. Su costo relativamente abao y su efectividad a cambia e ekilibrio militar den e region y a aumenta demanda internacional pa metodonan pa combati e menasa aki.

